

慘




是圖爲日本北海道十勝岳爆發後。上富良野村之慘狀。濁水橫流。屋宇爲毀。死三百餘人。罹災者四千餘人。  
(介繁親赴災區攝影錫社投贈)

奇



無線電傳照相。本報于一卷中即曾介紹。此圖乃五月一日。倫敦能工時工人沿途張貼傳單之攝影。科學發明之足以驚人。有如此者。





~~~~~ (陵三十明之州平昌) ~~~~~





# 國聞週報

第三卷第二十二期目錄

## 時評

錯綜複雜之時局……………政之  
張吳會晤以後將如何……………布  
雷  
關稅會議與借款……………子  
寬

## 徵文發表

對於教育界現狀之感想與希望：張  
馨

現在日本政局之觀測……………

駐日  
記者  
壽  
潛

美國人眼中之中國人……………

段繼  
達

英國總罷工之前因後果……………

劉攻  
芸

世界青年運動……………

顧子  
仁講  
馮鑑  
吾記

一週間國內外大事紀……………公展

曲諧(續)……………二北

天津人看影戲的程度……………浪  
漫

評復旦大學兩齣獨幕劇……………心  
冷

荏苒餘錄……………丁耘  
棘

黑影中之婦人(下)……………馬二  
先生

## 國聞通信社

### 徵求各地民生疾苦之新聞

國聞通信社爲國人經營之唯一通信機關。平日以靈敏的手腕。進取的精神。搜集各方消息。供給全國中西各報之取求。創辦迄今。六年于茲。聲譽卓著。信用昭孚。茲鑒于年來國事蜩螗。民生疾苦。或創于兵。或困于匪。或凍暴力之相迫。或苦苛政之難除。沉溺水火。欲訴無從。用是廣爲搜求。凡此項新聞投稿。均當極力宣傳。俾憂時愛國之士。得藉此研究治理之源。區區微衷。當爲國人所共諒。如蒙投惠。請寄上海總社編輯部。自當代爲刊布。

# 時評

## 錯綜複雜之時

政之

國言變二人者瞬將成爲過去之人物。

蓋張氏擁二省之地。挾外交之隱援。環境之佳。並世無

中國政治。詭幻神奇。爲世界冠。最近之錯綜複雜。尤極十五年之大觀。軍閥官僚。客胥爲運命所顛倒。不知不覺中受政治的萬鈞洪爐之鍛鍊。幾於無一人不焦頭爛額。以去。表面上雖起伏無常。波瀾萬狀。實則精密考察。終不能脫新陳代謝。優勝劣敗之因果律。夫今之健者無過吳張。吾人鑑往察來。敢

兩顧其人。昧於政治。倨傲輕才。抱武力萬能之迷信。而變生肘腋。創鉅痛深。關內勢力。又以張李橫暴之故。萬民失望。輿論椎心。其所憑藉者。既已內不敢自信。外受民衆之厭惡。而猜疑褊狹之心理。驕慢侮人之態度。又不足以縱橫捭合。運用政治。則其委屈求全。不敢與吳佩孚立異。殆爲勢所必至。矧直魯地盤之爭奪。在在足以影響東三省之基本勢力。張之不敢開罪於吳。實有其不得已之苦衷。然天下事能戰者乃能守。能進者乃能退。

直魯地盤既爲勢所必爭。而以直魯當局之人物行事推之。在理又萬難自全。則張氏父子歛兵出關。劃境自保。遲早終或不免。至三省勢力之能否長保。當視其內部之團結如何而定。要其發展之希望甚少。保守之

成分則較多。此張之前途也。吳因環境之變化。成一時之天驕。使能因應時局。尊重輿論。破除北洋正統之觀

念。以公道正誼與海內相見。則前途光明。富有際極。乃不幸蹈歷來失敗人物之覆轍。失意之時。儼若已有覺悟。略有轉機。則依然吳下阿蒙。誇大狂妄。且有加於昔焉。今者西北實力。

喘息已蘇。吳氏對於國民軍仍欲一貫其機械改編之主旨。而部下將不敢戰。兵不肯死。近以靳頌兵不進。利用王維事王爲蔚等與靳不睦。毅然免靳之職。打破田靳與東南及西北之結合。爲奉系紓直魯之憂。誠屬最近北方之一大事件。惟田靳之頓兵不戰。並非不欲。實有不能。今吳雖免靳。且於西北戰局。原來不能進行者。今亦未必有利。而部下益感不安。東南應爲心怯。在吳或自以爲以巧勝人。能以最小之勞力。得最大之收穫。然在吾人旁觀。則殊覺終非其福也。至於西南方面。則反革命之殘兵敗將。吳氏殆一一收容。此曹錕經失敗。自有其敗亡之道。乃吳氏因迷信武力。兼容並蓄。使異己者咸感不安。爲吳氏計。詎非危道。自來任大事建大業者。固不免於憑恃實力。剷除異己。然吳氏所恃者未必足恃。而言論行事。無不背逆時代潮流與民衆心理。謂能成功。未之敢信。以吳較張。則張若失敗。猶可退守。吳再挫折。殊難更起。吳張均有敗徵。則取而代之者。其東南西北與廣東之新勢力乎。依吾人所見。全國統一。爲期尙遠。果能處置中央。劃地分治。停止混戰。恢復秩序。集中人才。開發地方。則國事前



途儘多希望。然而環顧海內。幾無一可以成功之人。則紛擾之局。決難了。所可斷言者。自今以往。土匪式之軍隊。必被驅除。投機家之政客。必歸淘汰。愛做官者。官不可爲。玩虛聲者。無油滑取巧之餘地。凡此種種。皆爲優勝劣敗之演進。表現真實知力之競爭。固不必爲國家抱悲觀也。

(六月三日寄自天津)

### 張吳會晤以後

將如何 布雷

最近之觀察時局者。視線咸集中於張吳二人之如何相處。張吳二人當其未出發以赴會晤地點也。有種種之預備。當其既決定以面晤之方式交換意見也。有種種之做作。且雙方既各有所疑忌。而又各有所努力以祛對方之嫌。又唯恐此二人之間。見解主張相遠越之太遠也。於是先之以鄭謙張景惠張其銓張志潭四人之相會。擬之婚媾典禮。導之以媒妁。輔之以賓相。此一度會晤。洵可謂鄭重之至。莊嚴之至。夫由張吳言之。叱咤成風雷。吐納生雲雨。全宇安危。繫於二人間杯酒周旋之結果。使君與操。旁無他人。其驕矜可想見矣。由國家言之。四萬萬人所共同託命之國家。而政治運命。必待決於二大軍閥之方寸。國家面目。真掃地盡矣。雖然。如此全國屬目之會晤。能發生如何之效果乎。吾人不能不虛衷以觀察之。

張吳間之關係。自去年以前。所謂『卿不死孤不得安』之世仇也。自去年以後。則以有共同之假想敵之故。而不得不忘仇以修好者也。然其修好能至何程度乎。其相忘相忍能至何程度乎。則又得以下二語包括之曰。『意氣各不相下。而形勢各不能相上』者也。爲環境之故。各有幾分容讓之覺悟。而歷史關係上。又各有讓至某點不能再讓之限度者也。職是之故。今之觀察張吳者。懼其立談變色。可以掀起風雲。此固大誤。何者。彼等固各自知其實力無互鬥之可能。不然。則決不締合作之關係也。反之若謂其片言立決。即可消釋糾紛。此亦大誤。何者。以二人對於政治。雖皆無明確之認識。而其零星吸受之若干見解。又各有甚深之執着也。是以吾人之見。若奔走於張吳間之政客。除却爲稻粱奔走別無目的者。則赫赫一時之傅心殿會晤。不過爲將來第四次大決裂之序幕。其在目前。即令粉飾彌縫。亦只做到其所欲達之目的之一半。

張吳間所欲見面互商之問題。有如憲與法的問題。有如內閣問題。有如直魯各省之地盤問題。有如對付國民軍之軍事問題。筆筆數端。其大者也。目前兩方策士所籌維。似皆不願此兩雄會晤。以無結果而終場。於是力避其較。悠玄較煩難者。而取其較具體較切近者。即所謂先決定軍事合作之方略。而以內閣等等問題置之其次。是也。然吾人稍一觀察。則知問題決不如策士所預想之簡單。因軍事進行。有需於將帥效命。則地盤問題。不能謂與軍事合作無關係。因軍事進行。不能無軍費之供億。而目前形勢。奉軍價值日低。奉天決不能再以關外之錢。用之於關內之作戰。而吳佩孚者。一年來頗頗掙扎。患在無錢。最近命張英華搜括京直。至不惜買民怨。而臨以強權。則其所能貢獻於對國戰事者。除十鈔萬間接所屬之軍隊外。他無長物。故戰事不進行。則已。欲進行。則必須大量之戰費。而此戰費。則固非



聯軍司令部之財政主任所能出面借錢。然則爲張吳兩方計。目前非有代負借貸責任之機關不可。則內閣問題。實尤爲對國戰爭之先決問題。既進而涉及於內閣問題矣。則憲政約款。國會有效無效。諸問題又連帶引起而不可避免。然則此二人者之會晤。縱或各自鼓其大海容舟之腹。相讓復相讓。相避復相避。其最大之成功。則組成一臨時雜湊之「戰時內閣」而已。舍此以外。敢言其絕對無所成就也。

如此之戰時內閣。爲國家所需要乎。吾人在實力派叱咤如意之秋。遽提此間。戰事未始太迂。然政治之與民意。有時關係似極茫漠。有時感應却甚敏銳。蓋國民雖未有實力之準備。而實力終依附民意以代興。例如倒曹一役。處直系全威之秋。而討曹軍路而挫之不費大力者。五百五十之受賄議員所助於討曹軍者甚大也。故欲問奉直之前途。須問今次作戰之是否必。今次之戰。在本與兩方固振振有詞。討亦也。衣食於奉吳及反直之各方者。亦雷同而響應附之。大書特書曰討亦之戰也。畢竟赤何在。赤化之證據何在。國民所受於赤。茶毒其特異。京直奉奉軍蹂躪鄂豫受吳軍維掘者。何在。故奉吳兩方雖如何熙仁子義。作吊民伐罪之甘言。而國民對之。充耳不聞。藐不知所應感激於討赤軍之汗馬勤勞者安在。如是之戰事。誰則同情之。而且國民軍未退南口以前。把持中央。頗似拂亂共招反動。非有必至。然且擗距數月。倖而勝之。今既振旅北還。則國民視之。亦許多軍隊中之一而已。奉吳即使合作到底。傾全國之財賦丁壯。戰敗民軍而勝之。國民固曰是爲雪十三年馮玉祥倒戈之憤。報十四年郭松齡回師之仇。已是不過將張作霖吳佩孚在少數紳商心中僅有之同情一律抹去之而已。夫此猶就其必操勝算言之也。猶就其作戰之中與既勝以後。奉吳之間不發生傾軋與爭奪言之也。設竟戰而不勝。或勝而互爭。則傳心殿一夕歃血之盟。即謂爲兩大軍閥預行送葬之禮品無不可。嗚呼。吾人終不解此人才所歸之二大軍閥之幕下。竟無一人見到此層。以容納國民軍殘部而公開解決。是爲張吳二人繼已往贛武之德而樹立政治上之新生命者。然且高呼狂喊曰爲國民請命。爲國家弭禍。明知三尺童子所不能見信。而姑厚顏吶喊。若有其事。唯張與吳。吾固不暇深責矣。

近日南北各報盛傳 北京當局將以決定實行一二五稅率。結束關稅會議。自消息透露以來。聞者驚相走告。滬上各界。並已電京責問。紛紛要求政府明白宣布關稅政策。按此說是否確鑿。現尙未經證明。然而當局之環境。確有令人可疑者在。夫北京財政。久已處於山窮水盡之境。是乃人所共見之事實。然今日軍閥巨頭。於此財窮之際。乃始欲大舉用兵於西北。繼且欲遠征南方。以圖收其再盤斷之武力。統一迷夢。此軍事所必需之一筆鉅大軍費。果何自而來。以吾人之窺測勢。必惟有責成政府以籌之。政府當局爲維持其命運。故計亦惟有從速遷就結束關稅增加收入之一法。是則政府當局之飲酖止渴。要亦不能謂非意外事也。據日本東京朝日新聞北京電報。謂吳



張商量向外人借一百兆兩之鉅款。據云將以遣散軍隊。杜絕亂源。以吳張之人物。而謂有解散軍隊之志願。恐無論何人。皆不能信。然則此款果在訂借。則無非仍以之充延長內亂之戰費耳。吾人睹此報告。深覺彼當局將促成二五關稅之說。益有可疑。大借外款。非有充分之担保品不可。然國內今日可供此大借款之擔保品者。除將來之二五稅實行後關稅增加數額外。實無他物。然則報紙所傳結束關稅說。益覺非盡其精。鄉愚之嗜賭者。每借重利之印子錢。以為資本。明知賭非正事。然其倖得之心。輒戰勝其節制能力。以是蕩產敗業者時有其人。今日軍人之好戰。與夫政府當局之好官。亦猶鄉愚之嗜賭。中華民國產業利益將來之榮枯。自非其所計矣。

雖然關稅會議。果將僅以二五稅實行而結束。為國家計。其損失重大。固不待言。然吾人為今日當局計。亦不能謂值得也。蓋今日之局勢下。稅率遷就二五會議結束以後。當局其勢必盡舉將來收入。以充軍費。或迫不及待。而舉以抵押借款。尤屬近於事實。以過去之人物論。如袁世凱段祺瑞皆前後大舉外債。然幾曾見有能憑外款而實現其迷夢者。其拂逆民意之結果。祇無非為國家增重不少担負。而個人固仍同歸失敗。迄今其經手訂借之人。亦何曾得永保尊榮。要知國內之勢力。猶有強於金錢者在。況分贓不勻。尤足自啟互閥。誰又能保張吳能永久和好而政府必奠於安全耶。今日北京當局重要分子之願顧。皆以十餘年之素養。而得達現在之名位。若果因此三數日之官興。甘於為彼命運不定之軍人作傀儡。不惜舉公私利益。一概犧牲。而自取失敗。吾人殊期期未以為可也。

### 金縷曲 (遊嘉興作)

伯純

放棹西湖罷。又南湖春深二月。畫船輕駕。一晌情懷無寄。祇是水隅山罇。況此地  
日明清夜。若與桃根修舊約。更滿樓烟雨。銷長夏。則是我。凌空也。故人契闊相  
逢乍。自新夢那宵醉後。流光如瀉。眼底江山非易得。權讓吾儕作霸。且幸有酒杯堪  
藉。人世歡娛都一瞬。問新來誰是牽情者。堤畔柳。絲絲掛。



徵文  
發表

## 對於教育界現狀之感想與希望

張 磬

教育界黑暗極矣。局中人能繼著者而起舉所知而盡言之。暮鼓晨鐘。發人深省。將必有撥雲霧而見青天之一日。豈僅本社之厚望而已哉。

本社註(內種題乙等獎二十元)

教育界之現狀。是從事教育者。孰不能道之。乃環顧國內教育界。實際情形。實有令人戚然悲悚然懼者。予身丁斯世。目擊教育界之黑暗。瞻念前途。危險萬分。久欲爲文以促國人之注意。俗兀不果。乃印象愈刻。愈感。感想愈積愈多。頗欲一吐爲快。適閱週報社徵文。因將年來感想。拉雜整理之而成斯篇。因期望之切。皆據實道來。毫無諱飾。又以生平坦白率直。不喜措辭。容有唐突之虞。祈鑒諒焉。

### 一、教育界之現狀

從教育者  
方面觀察

教育者爲社會上中堅分子。負誘導現在社會訓練未來國民之責任。所仰使命何等重大。其人格宜若何高尚。其志操宜若何純潔。庶足以轉移社會之風化而爲未來國民之表率也。今者夙以純潔清高自許之教育界。藏垢納污。賢不肖雜揉不分。往往有潔身自好者。一入其境。而不知不覺與之同化矣。此

予所目觀者。世風日下。青年習氣日壞。泄泄沓沓。將伊于胡底。民族淪亡。可跂足而待。尙烏言乎教育救國乎。此非予故爲危言。以聳人聽聞。實以名士派之教育家。徒以介紹歐美教育思潮爲任務。實際之如何不問也。自鄙以下者更無論焉。此教育界之大患。無人揭發。現雖稍稍有人道及。然皆部分的片段的。未概其餘。茲將教育界之形形式式。剖晰直陳。希國人注意及之。

(一) 騙子派 此輩認辦學校爲投機事業。施其狡詭之伎倆。滿足發財之慾望。博士碩士爲誘引求學者入網之餌。騙得學費保證金等。即銷聲匿跡。惟易於發覺。已爲求學者所注意。現已少見矣。

(二) 市僧派 市僧乃奸滑陰詐之商人。欲藉學校爲斂財之工具。止與前者相同。惟態度稍緩和而形跡不甚顯明。無人注意耳。其廣告章程。非不堂然皇然。以漁利爲目的。當然不能請良好之教師。以招徠顧客爲手段。故形式上不得不力求講究。而內容愈壞。表面上似較前者爲上。但實際爲害尤烈。前者對於青年。不過物質上之損失。而此則精神上之損失不貲也。

(三) 教士派 此派可分爲二。一爲宗教者。一爲主義者。前者又可分爲西人與華人二派。西人傳教。本不欲有所論列。只以設學校教育吾子女。自當認爲教育界之一份子。此輩借學校爲傳教之工具。藉教育施



文化侵略之政策。而經濟充裕。其勢力且將超國家教育而上之。對於民族國家前途。危險殊甚。時賢有提議取締之法者。容當另為文論之。華教徒——被利用者——大概不明教育原理。心目中只有西人與宗教。完全忘其本身之所自來。及與學生之關係。此輩倘能真誠以宗教之長處。切實施其道德感化。尙有可說。乃就余所知。滿口教義者。濫標者有之。耽於賭博者有之。行欺騙詐偽之行爲者有之。其一己之罪。固不必論。但立于訓導青年之地位。其毒之大。思之心悸。後者大概偏信一種主義。對學生。常以教士式的宣傳。無論其主義本身之價值如何。總之教師之於學生。感化力極大。平日一舉一動。且處處與以暗示。何況朝夕鼓吹。結果使學者一意迷信。滅絕真理。現在一般青年。好談主義。好高騖遠之習氣。胥受此輩教育家之賜。其爲害雖不如前者爲烈。然主義化之教育。固非純正之教育也。

(四)政客派 此派學問淺薄。無責任心。對內以政客卑鄙之手段。詭譎學校當局。籠絡學生。以自固位置。對外以矯僞浮誇的宣傳。以博一般人之稱揚。彼學行優長之教員。常不能久於其位。而此輩能得學校當局與學生之歡心。反得長保位置。即以手段上活動之故。近來學校風潮之猖獗。大半有此輩在幕後暗示。——雖然不免武斷。但就予所知。無一例外。——此輩於學生學行上。直接間接與以不少之惡影響。其爲害可與前派相埒。

(五)奴隸派 此派可分爲二。其一。受教會教育之薰陶。奴隸性成。寄居西人肘腋之下。自以爲得穿洋服。講洋話。寫洋文。讀洋書。以爲榮。惟崇西人。諂媚西人。無所不至。甚至鼓吹外人共管。爲救中國內亂唯一之方策。自暴自棄。已預備爲印度高麗之續。其影響於國家教育前途。危險

特。甚其一爲生計問題所迫。對於學校當局。抱「在他簷下過。不敢不低頭」之主義。對於學生。不得不委曲求全。毫無昂藏淬厲之精神。可慨亦復可憐。

(六)軍閥派 此派又可分爲二。其一。教育本無修養。依附惡勢力。以爲進身之階。護身之符。根盤鞏固。學校等於產業。其二。對於教育本有訓練。只以學閥之聯結。飯碗不虞爲人攘奪。對於職務。漸行疏忽。不復進取。因之局外。自好教員。不護佔一席地。而內容益復腐敗不堪問矣。

(七)商旅派 對於教育本無興趣。只以暫時衣食計。不得不隨緣敷衍。視學校如傳舍。視教育如職業。但求一身舒服。他非所問。倘有機緣。即改業他就。此輩得過且過。漠視教育。貽害青年。亦不在小。

(八)名士派 此派固不失教育界之人格。只以徒事介紹國外教育學說。不問實際。——當然不是全體——民元以前。日本化。民元以後。美國化。或發爲議論。或實地施行。雖採人之長。乃謀改進者之必然手段。但民族性不同。國情不同。未見完全適合。幸而合。是國家之福。不幸而不合。其危險亦未可輕忽視之。

總上所述。不過就予耳目所及者言之。民國以還。人慾橫流。風氣愈惡。環境愈劣。教育界人格亦愈形墮落。而學生之習氣。亦無形中隨之同化。更不可收拾。培養子弟者。欲覓一純正優良之學校。幾如鳳毛麟角。而不可得。言念前途。至可慨已。

### 從教育救國

如上述之教育者。所產生之教育效果。果何如乎。不問可知。明明惡果環生。危幾四伏。偏昌言教育救國。夫以若是之教育。其國家不爲之覆亡者。幾希。述我見。

(一)循環式的教育 漆樹芬君在長虹月刊發表一文。謂中國之



內亂。此起彼仆。乃循環式而非前進式。倘長此因循。政治永遠不能上軌道。不幸教育界亦坐此現象。無人道破。有之。舒新城君所謂「輪迴教育」者。其此之謂歟。

今各地學校林立。可謂極形發達。除普通與師範而外。人有各種職業學校。以造就專門人材。其設備不可謂不周。乃試一調查各校畢業生出路統計——師範例外——除升學者外。大半以學校爲噉飯地。而升學至大學畢業。有資產者留學歐美。無資產者爲中學教員。留學者博得一二頭銜歸國。當大學教授。亦自謂盡救國之能事矣。試問此種循環式之教育。自欺欺人。新陳代謝。於國家何補。皆因教育者之隨緣敷衍。茫無目的。而造成此惡。或謂社會制度不良。致畢業生用非所學。非探本之論也。

(二)學生之習氣 予覺現在之青年學子。常有一種虛矯浮誇之流行病。到處瀰漫。而近年尤甚。在校習課。浮而不實。疏而不精。利用墮落教師之敷衍苟且。但求一紙文憑。半點皮毛。即心滿意足。而尤危險者。以奉英文爲圭臬。棄國文如敝屣。甚至一言一語。簽一字。作一書。非英文不足以顯其榮。此種習氣。繼長增加。實爲社會國家之致命傷。此皆受不良教師之惡影響也。

夫以教育者之人格而如彼。則社會之黑暗可想而知。教育之效果而如此。則將來之社會又可想而知。國之不亡。焉可得乎。此予之所以惴惴焉認爲目前最大之問題也。

### 三、教育者之責任

或謂教育界之黑暗。固如所述。但此非教育者本身之罪惡。實社會環境有以使之然也。是言近似。然就予平日之信仰。教育者所負之使命。在於征服環境。創造環境。當此一切新舊絕續之交——其實社會是進化的。

無論何時。教育者對新舊絕續之交。而誘導進化之責任。即在教育者自身——其責任尤爲重大。倘逡巡於舊環境之下。是奴性的退化的消極的。實可謂之無意義之教育。非但無補。且有害焉。前已詳論之。

波特 B. H. Pote 謂「教育者應利用舊經驗創造新目的。新理想。新機會。使生活更充滿更有價值。」現在之被教育者。即爲未來社會之構成分子。教育者若現在社會之醫師。未來社會之先導。正因環境惡劣。應診斷其病根所在。一方面征「舊環境」。一方面創造新環境。努力奮鬥。是現任教育者應持之態度。倘謂惡劣的環境中。不能產生良好的教育者。試問將於何時始能發展教育者之抱負乎。行見因循延誤。社會日壞。國事日非。教育者將無立足之地也。

如有社會學家號於衆曰。「余極有志改造今日中國之社會。只以環境太惡。動輒掣肘。至不能發展余之抱負。」人將笑其狂妄。因彼既爲社會家。既以改造社會爲職志。則現在社會病根何在。如何改良。進行改良上。有何困難情形。如何解決。等等問題。皆在運籌方策之中。安可貿然不負責任而歸罪於社會乎。彼呻吟於環境中。而不日振拔之教育者。亦猶是今日中國之社會。正處變態之中。腐敗魚爛。不堪盡狀。舊道德已失其信仰。而新道德又不能維繫人心。青年學子。放浪蕩佚。無所歸依。教育者於此際。尤不容忽視。稍縱即逝。將不可收拾。則社會之存亡關鍵。完全期望於教育界之仔肩矣。

上之所述。乃從育字方面着眼。今之教育者。大概只注意「教」之責任。未及「育」字——一般墮落教育者且不必論——而處於現在環境中。「育」之責任尤屬重要。故先論之。

學生既爲未來社會之構成分子。欲求未來社會之健全。其責任實賴於



現在之教育界。故主持教育者。應考察社會之需要。與學生之個性。施以適當之教育。培成社會上有用之人材。進可以改造社會。退可以自謀生活。庶可謂盡「教」之責任矣。

教育與所在社會之關係。既如此重要。故雖社會而談教育。是自殺教育。今之教育界。上焉者。徒事步趨歐美。不問社會之實際情形。閉門造車。焉能合轍。故畢業生入社會。用非所學。比比皆是。下焉者。隨緣敷衍。貽誤青年。學生精神與時間之浪費。何可勝計。循環式的教育。即其惡果。無怪民生日蹙。而社會日形窳敗也。

今之教育者。往往諱言本身之劣點。而歸罪於社會。請論蘇格拉底 Socrates 之最後遺言『知爾自己』 Knows Thyself! 重新估量自己所負之責任。否則自欺欺人。社會上焉用此教育為。

#### 四、予所期望於教育界者

過去之教育。造成今日之現象。欲求改進。就予管見所及。須特別注重人格感化教育。與職業教育。請詳論之。

#### 人格感化教育

人格二字。解釋不一。林德 Ernst Lindé 首創人格教育學。茲根據林氏之說。謂人之本質。有自然與精神二方面。自然為衝動慾望感所支配。精神為規範理性

良心所支配。自然方面。常使我人怠慢疏忽。遲疑寡陋。而易變其操守。精神方面。常以真正美善為心。克己節制為念。且時有道德理想之表現焉。前者人與動物殆無少異。後者為人所獨具。倘高級精神為低級自然所抑制。則人生不免墮落。故欲求人生發達進步。須使精神能統馭自然。而保持相互調和之狀態。是名人格。而教育基本原理。即在此精神之陶冶。今世道德墮落。人欲橫流。社會之腐敗。已達極點。在上者。鈔羅寶國。不惜

摧殘民命。以逞私欲。在下者。賄賂公行。狗盜鼠竊。無所不為。彼章宗祥曹汝霖其人。所受教育。未嘗不高。豈茫然於愛國思想者。只以人格缺乏。利慾薰心。賣國之勾當而處之泰然。故曰無人格之教育。罪惡教育也。教育之效率愈高。罪惡之結果亦愈大。可不懼哉。

今先覺之士。鑒於民衆麻木。內亂頻仍。國際空氣日惡。競倡國家主義教育。以培養愛國青年。孰知不固其本。枝葉何附。本者何人格也。予前已言之。今之賣國者。在學生時代。未嘗非熱烈的愛國青年。則人格陶冶。在教育上之價值。思過半矣。

中國今日欲待整頓之事。孔多。而舉一公債也。築一鐵道也。設一礦局也。……在在皆實。百出。黑幕重重。自利己之惡根性。到處充盈。提議一計畫。常有以辦理者。人格不能担保為慮。吁。民族性之下劣。何一至於此。教育者之責任何。曰。征服環境。創造環境。耳。努力淬厲於此點痛下功夫。以矯未俗而振頹風。曾文正公謂一地方之風尚。繫於一二人之所向。教育者即此一二人轉移風尚者。其責任何等重大。安可諉罪于環境而同流合污。不自振拔乎。

予所言之人格教育。乃人格感化教育。教育者須以身作則。收潛移默化之功。苟徒事空言。何補實際。故教育者先應修養教育的人格而後可言教育。

教育的人格。予以為至少須具下列四要素。


- 一 潔身自好。
- 二 有責任心。
- 三 熱情善感。
- 四 操守堅固。



第一富有教育之興趣而絕無嗜好。是教育者之本色。嗜好為銷磨人生之奮鬥力之唯一要素。奮鬥力為一切事業之源泉。故教育者人格之修養。第一須遠絕嗜好。不染市井氣。鍛鍊自我精神。使充盈而發展之。

第二責任乃良心上之承諾。教育者須認清其責任所在。不畏難。不苟安。力求良心上之安適。舉凡可以犧牲。嘗見西人以克盡責任為愉快。人。以不負責任為舒服。出發點適相反。其所成就之事業。遂相差不可以道里計。故教育者對於己。須努力修養。不稍寬假。對於學生。施以精神的感化教育。鍛鍊其責任觀念。

第三感化薰陶。是教育者之職責。則情操的陶冶。為不可缺之要素。酷愛真善美。疾惡邪偽惡。唯其愛之。故服膺不失。唯其疾之。故排除唯恐不盡。常具活潑之氣。而無冷淡疏懶之情。教育者與被教育者之心的接觸。打成一片。則教育之收效自宏矣。



教育界之夢

第四屬於意志的陶冶。教育者須意志強固。富於精力。對己能節制私慾。不為衝動所誘。處世能堅持懷抱。不為利祿所移。一己之思想信仰與人格。不為環境所同化。卓然獨立。不撓不屈。本此精神。以發揮於教育事業。始可與言征服環境與創造環境。即現在所切需之教育者。

今省教育會擬定中華良好公民信條八項。頒發各校。使一般青年學子。

有所歸依。努力於人格之修養。此誠根本救國之方案。予謂身處訓導青年之地位之教育者。先應實踐奉行。以示模範。則較之抽象的信條。收效非可同日而語矣。

### 職業教育

予之所謂職業教育。乃以職業為中心之教育。非專指特殊的職業教育而言。前者在普通中小學。應社會之需要。設職業科。教育者隨時考察。不能升學者。環境與個性。使轉入職業科。為從事職業之陶冶。倘以分科經費過鉅。各校合辦亦可。後者屬於各種專門學校。二者實施已有十餘年之歷史。成效安在。倘切實調查。恐將與我人之期望大相逕庭也。

子以為現在之職業教育。有急應改良之點凡四。

- 一 但求形式不切實際。
- 二 徒事學理鄙棄實習。
- 三 與職業界隔膜。
- 四 忽視職業指導。

第一人皆設商科。我不得不亦附設一科以應時。於是加幾小時商業簿記經濟。請各教員分任。主是職業教育之責任已完。現在各校之附設職業科。大半類此。即特殊職業教育。亦有名無實者多。據黃任之君報告。謂蘇地某農校。校旁荒地。使學生耕種。每年每畝耕種費須二百金。試問此輩畢業生。將何以侍農自給。此。不切實際之職業教育。于社會有何功利之可言。

故我人第一點期望於職業教育者。為切合實際不尚形式。如認為有增設職業科之必要者。須認真辦理。倘無經驗豐富之導師。而可犧牲計畫。將學生保送至優良之職業學校。一切教授設施。當以實際上能應用者。



爲限。談職業教育者。率主都市設工商科。鄉村設農科。予謂該地出產黃草者。加黃草工科。社會上重視竹刻者。加竹工科。環境宜森林者。加森林科。宜蠶桑者。加蠶桑科。……一地各校附設一二如此。性質之職業科。察學生個性所近。選科轉學。則學生精神與時間。皆極經濟。收效較宏而速。第二。今之辦職業教育者。多偏重學理。而鄙棄實習。——亦有藉空洞之學理爲搪塞面子之具者。——故畢業生大多不能實地應用其所學。無已。仍以學理欺人。以求取飯地。前已痛論其害。

故我人第二點期於職業教育者。爲注重實習。不尙學理。非在校內實習。且須派赴各工廠各商店各農場實地練習。於實地職業界已有閱歷。再回校研究學理。討論改進方法。然後對於職業界有切實之貢獻。

第三。未考察社會實況。而欲改造社會。人皆知其愚妄。今職業教育者。以造就職業界人才爲職責。而恥與職業界聯絡。閒常聲言。現在職業幼稚拙劣。須全部改造。好高騖遠。不問實際情形。試問從事工業教育者。現在社會上何種貨物急待製造。某項工業應若何改良。某工廠失敗之原因安在。……能切實充實者。恐無幾人。彼等以高談學理在各書報發表論文爲職志。試問中國職業界何時始有改進之希望乎。此種與職業界隔膜分道揚鑣之職業教育。徒然增加社會負擔。無裨實際者也。

故我人第三點期於職業教育者。爲從事職業教育者須竭力與職業界溝通。聯成一氣。一則學校職業陶冶。有切實的標準。二則職業界瞭然于職業教育之內容。學生出路容易。提倡改良職業界者。此徑爲近。徒事鼓吹無用也。

第四。學生個性不同。環境不同。有宜于文學者。有宜于商者。有宜于工者。有宜於農者。……是在教育者與父兄共同去察指導。俾能發展其特殊

之才能。而我國教育界。——職業教育界當然亦在其內。——自來忽視此點。故有許多才能。削足適履。習非所長。致湮滅者。何可勝計。至爲可惜。是則即有良好之職業教育。而無周密之職業指導。仍不過造成習非所用。非所習之結果。

故我人第四點期於職業教育者。爲注重職業指導。——不限於職業教育者。普通教育者與學生父兄應共同注意及此。——學生在初中或後小。即當考察其個性之所近。指導之專習一種。唯職業指導。非輕易事。須研究職業心理。以十分審慎出之。故須與學生父兄共同觀察。綜合決定。則所見必精詳止確矣。

### 五、贅言

予從事教育已十餘年。愧無貢獻。而中間志操不堅。幾爲暮氣之教育界所同化。一再奮鬥。非誇者有之。白眼相加者有之。概弗顧焉。上之所選。皆有感而發。毫無虛構。如讀者認爲。有過火處。請各各地教育界作切實之調查。必能與君以更詳細之答案。而知余言之不誣矣。

## 徵求古今曲集

吾國詩文詞集經前人之編訂印行大要已具。惟有曲集除劇體以外至今尙付闕如。茲經鄙人著手編訂。已列目者七十餘種。已竣稿者十餘種。已付印者三種（元關白馬鄭四家集。喬吉集。張可久集）。惟見聞未廣。藏皮未豐。僑人力之所及。曷足以盡古人一體之藝。不由廣徵。何從徧致。用祈海內人士。于所藏所見之明清人散曲著作。或爲選集。或爲別集。若係成冊專書。則函知大概。並附割讓原書或鈔錄副本之條件。若爲零章隻套。則逕鈔貽原文。亦當具相當酬贈（或已印曲集。或購買該集之優待券）大雅宏達。樂成此舉。巨觀者幸無吝珠玉焉。任訥中敏啓（通信處揚州牛集巷）





## 現在日本政局之觀測

駐日  
記者 壽 潛

其本自加藤。若槻閣。迄今三閱月。自表面上觀之。政局固安然無恙。然其間。閣聲。已不絕於耳。所以未成事實者。因各政黨間意見尙未一致。日本現在及將來政局。似以憲本聯立成否爲中心。實際政本。亦聯立交涉。不過爲形式的表示。費時多而成功少。結局如何。尙難逆料。若槻首相所見。終不免失之毫釐。以千里。彼意以爲於鐵道外與一位。則本黨無不樂從。其實有大不然者。推原第五十一議會與本黨之政策協定。得以完全成立。有許多原因。因與近因。決非本黨懼解散而降心以相從也。此中消息。自加藤首相沒後。唯若槻一人知之。貴族院受研究會支持。亦緣本黨於衆議院中。俾各重要問題。安然通過。有以致之。本黨不惜犧牲三十名之代價。雖謂將來意有所屬。然對於若槻首相之誠意。亦可謂深信不疑。

雖然若槻首相之誠意。吾人當不能十分保證。若謂除去一席。而於鐵道外與位置。即本黨亦不能無疑。加以聯立交涉。假手於研究會。尤可見其無知人之明。蓋若槻爲護憲三派之中堅。昔曾親臨大敵。攻擊河浦子。其唯一理由。即依特權階級組閣。認爲失當。今乃通款於研究會。不亦昨非今非之甚乎。

若槻首相。以謀政局安定爲名。而企圖聯立。如聯立不成。則彼亦自認爲政局不安。身爲總理大臣。實負有安定政局責任。於此政局不安時。尙觀

顏爲總理大臣。自己應如何覺悟。輿論應如何批評。且不特總理大臣之關係。彼亦爲憲政會總裁。其於今日時局。能爲憲政而熟攷之。然後定其出處。則無或過矣。

鑒於今日情勢。則憲本聯立。或因若槻首相威信不足之故。遂不免失敗。亦未可知。於何見之。關於內閣改造。憲本聯立之問題。閣僚中有反對。與黨內亦起猛烈之反對論。尤其甚。顧問會曾以其決議。持而進言於首相。促其反省。是舉也。若在首相發表改造問題意見以前。尙有轉圜餘地。惜乎在首相表明改造決意以後。不啻以顧問會之行動。拘束總裁之行動。總裁之威令。固已掃地無存。即有節制之政黨行動。殆亦不可思議。如謂若槻首相。果有聯立之誠意與決心。何以對於本黨。不能行使職權。而與以其所欲得之位置。是明明若槻首相。毫無魄力可知。改造問題之前途。恐亦在未可知之數。

若槻首相提議聯立之動機。雖有種種。然其最重者。一則以單獨內閣。終難望今後政局之安定。固爲一種見解。再則深察本黨對於政府。是否爲前議會能有表示好意之態度。亦另爲其一種手段。但本黨態度。終不十分顯明。謂果有相當條件。即入閣亦無不可。就本黨內情以觀。與憲政會之聯立。因有地盤關係。爲事實上所不許。若但持一二意向。決行獨斷。則犧牲者恐不在少數。最高幹部之一部。縱希望與憲政會聯立。然



亦不易決行。簡言之。如現今之狀態。到底不能實現。可以恍然。更窺若槻首相本意。并不希望本黨入閣。然爲安定政局支持政權計。不得不示好意於本黨。表面上具提議形式。內容實大相反。故雙方意向。內容頗難一致。其不能實現也明甚。又本黨一本其不即不離之態度。將來決不與人以口實。至其結局。政情不安如故。政府亦無單獨擔當時局之力。爲全國所共知。不久其倒壞立見。此亦可豫測者。

若槻首相對於本黨總裁床次之入閣交涉。不免視爲過重。或恐終歸失敗。當交涉之初。何不令研究會幹部一爲嘗試。而直接與床次氏磋商。在彼并不自覺其孟浪。就本黨現在處境觀。并爲之設想。應不出下之三手段。以對付現今之時局。

(一) 對政府作戰

(二) 無條件承認若槻首相。提議逕自入閣與現內閣立於共同責任之地位

(三) 在閣外援助內閣

然第一手段。黨內多不贊成。若取第二手段。則本黨之現勢力。似尚薄弱。不如主張聯立爲有強力。以本黨現勢論之。雖似略有犧牲。然漸與政權接近。其結果於一二年間。或可得相當機會。聯合同志。握將來政權。使本黨聯立內閣。得以實現。未可知也。至第三手段。所謂閣外之援助論。爲非聯立派之主張。本黨之勢力。亦無庸悲觀。因現內閣壽命不長。與其入閣相助。不如任研究會爲閣僚。本黨漸漸擴張黨勢。預備將以後政權。全歸掌握。較爲得策。故本黨多主張取第二手段。不過若槻首相對於本黨之入閣交涉。大體已歸失敗。恐亦無可挽回。

目下所最宜注意者。即爲位置問題。若槻首相對於本黨。絕不肯以內相

相讓。但彼希望聯立。何故如此固執。此其中有黨利黨略存焉。以彼懷利已主義。故人對於首相之誠意。不能無疑。所以避研究會之深入者。其故實在此。

欲謀政局之安定。而組織聯立內閣。一般人所認爲最善策。因而若槻首相。首先訪床次總裁。爲組織聯立內閣之交涉。此當然之事。但政黨員爲個人利益計。故地盤關係。較國家觀念爲尤深。憲本聯立。遂以此關係而阻其成行。

復次所起問題。即爲與研究會之交涉。但以聯立內閣組織既失敗。則研究會入閣交涉。即無必要之可言。反不如向單獨內閣組織方面而進行。較爲妥善。果爾單獨內閣。得以實現。此後若槻內閣。樹立新政策。與國民心理相孚。則政友本黨與政友會等。均以國民爲敵。而不能反對。故若槻內閣。今後所應取之途徑。除樹立冒險之新政策。即不惜以解散爲孤注一擲外。別無良策。今後政局。恐有上述之傾向。

或謂若槻之改造內閣。吾人對於其手腕如何。目下苟妄加批評。恐爲期尚早。何也。若槻首相。有此計劃。交涉成否。尚不可知。或由此而組織單獨內閣。與政友本黨交涉。必不致失敗。故若槻首相之手腕如何。今何不能定其優劣。

但憲本提攜。或竟終成泡影。雖未可料。然他日若槻首相。如組織單獨內閣後。巧於操縱政友本黨。以研究會爲之援。則若槻首相之面目。或從此煥然一新。然有目下田中問題。松島事件等主因。現內閣亦難保不受影響。或竟以此爲致命傷焉。

亦有謂若槻首相。今次與政友本黨交涉。極力披瀝其誠意。期在必成。或可因其誠意可感。而至於實現。但聯立交涉。過於。皇政友本黨。或一時



間未便輕諾。亦未可知。在若槻首相。欲組織聯立內閣。原圖政局安定。若茲事不成。而若槻首相。自認政局不安。益戀戀於其地位。豈不可笑。故今後政局。全視床次總裁之意向如何。或從此生一大波瀾。前途真未許樂觀。然其結果。床次所回答者。爲不能入閣。政府乃大失望。近以憲本聯立交涉。馴至失敗。日本政府方面。不得不講善後策。所謂善後策者。即純然組織憲政會單獨內閣。固亦一法。若研究會求入閣時。則政府決取下之三政略。

(一) 加藤內閣以來。前議會中與政友本黨之稅制妥協等。對於研究會所取好意的態度。其無何等報酬之必要。

(二) 衆議院中無白六十餘名與黨。在政府雖可因衆院解散而過難關。而公正會與貴族院之關係。亦不如昔之親密。實不得不求研究會諒解。

(三) 本黨縱不入閣。與本黨關係最深者。莫如研究會。擢其黨員爲閣僚。即以個人資格言。與憲本聯絡上亦有利。

上三政略中。若槻首相。度必取第二策。即由研究會方面。希望入閣。但對於本黨之交涉。雖可謂聯立。若爲研究會時。不得謂之聯立。此時唯有變通辦法。於全閣僚中。留一名額。由憲政會補充之。名實并不相背。政府方面之希望。大體如斯。唯研究會中。贊成中立及反對入閣三派。屬於最高幹部之青木牧野子等。爲入閣反對論者一派。水野及井上子等。爲中立一派。其他希望入閣熱心仕途者不少。爲入閣贊成論者一派。此時若再起入閣之正式交涉。徵意見於研究會。恐亦需相當時日。因其中必經許多曲折。成否尚未可知。

密之若槻首相。對於聯立內閣之失敗。今後宜講如何方策。以收拾時局。

乎。各方面翹首而望。莫測端倪。近來稍見曙光。蓋若槻首相之意。最初本望憲本聯立。一經失敗。則組織憲政聯立內閣。借研究會之力。以操縱本黨。使第五十二議會。安然而過。乃至憲本聯立交涉失利後。若槻對於研究會。并未有何入閣交涉。何也。因研究會對政府態度。會內有種種議論。政府不得不默爾而息。千變萬化。令人茫然。此適成其所謂政局也。近據日政府方面所偵察。研究會之空氣。以硬派占優勢。縱使多事變。亦終不見入閣。故政府亦絕不作無謂周旋。今後漸有單獨內閣之傾向。由憲政會補充閣僚。政府之意向如此。各方贊成者亦多。良以政局不安。長此遷延。不速解決。終非得策。現在攝政太子出巡。尚未還京。一俟車駕南旋。即有具體的解決。仍不外單獨內閣之一途。此吾人所可知測者也。

(二五、五、二九、)

## 商務印書館發行

### 學藝雜誌

第七卷第五號要目

原真(上)

論公司之國籍及在我國租界內之公司  
國際公法中之租借地(德文譯文)

兩性的本性及其作用

改良吾國稻作之商榷

鐵路運輸原理(續)

遺傳與環境(續)

土壤溶膠液與辛味之化學構造

法國詩人杭沙

◎社報

◎通信 此外目繁不克備載

▲定價

每冊二角 半年五冊一元 全年十冊二元

▲郵費

每冊二分

范壽康 史尙寬 高元 費鴻年 顧復 曾世榮 何定傑 譚勤餘 曾仲鳴





## 美國人眼中之中國人

段繼達 自美  
國寄

美國素稱爲我國親善之友邦。我國人常認爲如是。而美大亦自謂其爲中國之契友。Trad-然就實際觀察美果以友邦待

美人在華市之恩設置



以華款辦之理華學校  
(禮堂)

我果尊我爲友邦乎。作者殊不以爲然。按關稅會議。美首提出裁厘爲關稅自主之交換條件。以難我。固已露出其陰險之手段。若更證以其待遇在美華人之情形。則更見其與友邦名義

實不相稱。作者茲以個人在美所聞所見。錄之於下。以告我國人。

中國人在美。有種種不名譽之名號。如 China-man, Chink, Yellow 等名字。按 Yellow 係指一班黃色人種而言。近則多用之於中國人。稱中國人不以恰當之名字。Chinese 稱之。而名爲上述各字。不能謂非含有輕視之意也。且各如有人苟對美人言 (Yau are a Chink) 或 (Yau are a Yellow) 彼必怒而與鬥。彼之不願爲 Chink 亦願爲 Yellow。更可明其字義之卑陋。或有謂美國下等人。智識淺近。字彙狹小。不知有 Chinese 一字。故直譯中國人爲 Chins-man 其字義并未含有岐視之意。然彼智識階級。如著作家。新聞記者。常知中國人爲 Chinese。非 Chins-man。乃此等字樣。書報雜誌中亦所常見。此豈非有意辱我乎。其他如電影戲院。亦常有辱我之處。聞華僑因此已宣。不再與各電影院及戲院扮

下流人物。今電影中之華人。故多改用白人扮之。但其狀態之醜陋。更不堪述。中國人在美聲名之壞。半亦電影及戲院有以致之也。

華僑在美。名義上與他僑民。享有同等待遇。但事實上有不盡然者。以舊金山一埠而論。幾無日不聞華人被毆被捕等事。甚至有內白女失踪。警察任意搜尋華人住所。戲院有不售頭等票與華人者。理髮所亦有拒華人者。以致育言黃白本屬同等待遇。乃今日舊金山中學校當道。則建議黃白分校。經華僑力爭。至今尚未解決。近日金山中。中國學生會。尙出有通告。勸各生無多缺課。免美人藉此小故。致黃白分校。即日之實現。關於移民事。則更有不平且酷虐者。如華僑婦照美移民律。不准來美。因之華僑男多於女數倍。據調查華僑男九女一。故華僑區多呈不安現狀。而堂門私殺等案。亦多原於此。凡來美華人均需驗明護照。方准登岸。移民當局則多方遷延不驗。置華人於星。如禁囚獄



然則禁居數月。仍不得登岸。解回中國。被解者既受數十日海上之風波。復繼以牢獄之生活。其中能得生還者。蓋而希矣。此外如在美土生華人返國復來美時。常因細故。不准登岸。與其家族同住。天倫之樂。因此斷絕者。有之。美人之防華人偷關極嚴。苟犯而逃逸者。常以槍追逐。如捕大盜。上期本校延某教授演講移民問題。彼曾謂去年有華人三人。由加拿大乘車偷越美境。為守關者見。已追不及。彼即以槍射。幸中一命。一華人之死。稱為幸事。其輕視我華人。直如兒戲。總之。美人用種種惡劣方法。擬使華僑盡出美境。昨日報紙載紐約華僑有六百餘人被捕。聞皆因無權居住在美之故。

上述係華僑在美之待遇。今當再述中國學生之情形。美西部岐視中國人之風特盛。東部較好。故在東部之中國學生環境較佳。但多數學生鮮有與美人相往來者。即土生華生亦如是。故中國學生多二三人共住一處。日常往來亦僅中國學生。如美學生公寓。罕有許中國學生入住。苟有與美人往來。亦僅表面應酬。平時美人亦有似頗親近者。若街間相遇。則視若路人。蓋彼等似以與華人相識。有失身分。住房亦有不租與中國學生者。吾初來此。曾親嘗閉門羹。

美人在華市之恩之設置



以華款辦之理華學校 (體育館)

美校多男女同學。男女雜坐。同席常情。但女生多恥與中國學生近坐。如吾在校。常獨坐一隅。免受意外之辱。又美學生多不問中國真相。常目中國為野蠻之邦。吾友同班一美人。曾到中國遊歷約數月。照有血淋的人頭。婦人小足。及北京天橋雜攤。於上課時。傳示諸同學。以博一

笑。此外美人常以中國為極不堪戰之國。嘗謂「以美國四千健兒。可直搗幽燕」。又有謂「中國當列強共管」。因中國無政治組織思想。此非惟美學生眼目中之中國如是。即堂堂大學教授。亦有持此論調者。至於普通人民。則更有視中國如黑奴者。曾有某美婦。與吾友輩君談。

謂「吾寧願見白女與紅印人結婚。恨聞與華人黑人成偶。街坊人士亦常有稱吾等為黑人者。他類似之舉動更不一而足。今在美華僑及學生。日受外人言語及行動上之輕視。親貧弱國國民被待遇之不平。均盼祖國立即統一。俾建設有一強有力之政府。能與列強共馳。藉使海外僑民亦得有相當之保護。吾作是篇。非妄造虛言。欲國人仇視鄰邦。惟願國人了解國際之親善之不可靠。更不可信耳。

(十五年四月十五日)







## 英國總罷工之前因後果

▲勞働界有史以來之大事件

▲英政府以護憲號召全國民

國工潮。舉世矚目。其中經過情形。雖迭據報告。各報已陸續披露。但尙缺少有統系之紀事。北京晨報。近有倫敦通信一則。對於工潮經過。敘述至爲詳明。爰爲轉錄于此。記者附註

五月三夜十二時。震動全島之英國大罷工開始。此罷工爲英國勞働界有史以來之最大團體運動。凡國中主要工聯。無不加入。所影響工人。爲數達四百萬。今日全國煤礦停工。鐵路電車。地車。輪船。及其他一切交通一律停止。其餘國中。大工業。如鋼鐵。建築。電氣。煤汽。亦全部廢。印刷業亦罷工。因之報章停版。消息斷絕。記者住在倫敦郊外。距大城中心點約十五英里。既不得乘車入城。復不能徒步往返。只有在家休息。觀望自嘆。連而已。其餘倫敦中國學生。居城外。情形亦相若。幸罷工中糧食照常供給。無缺乏與恐慌之虞也。

罷工原因 此次英國大罷工之發動者。爲煤工工聯。該工聯代表一○○○○。煤工乃國中各工聯中之最有勢力者。此番該工聯罷工。名義上與礦主對壘。其實亦與政府爲難。其他工聯加入罷工者。所以表示同情。並敦勸團結之誼。至于煤工工聯。因何罷工。請簡單說明之。歐戰時。德國煤場被法兵佔領。煤產幾完全停止。是時英國煤業。進行如舊。遂得大增輸出。以補其缺。故一時國內煤業。贏餘增加。爰以當時物

劉攻芸

價騰昂。煤礦礦工。乃全體要求縮短每日工作時間。一九一九年。政府派一特別委員會。(Saney Commission)調查此事。該委員會當年報告。主張煤工每日工作時間應由八點減至七點。此主張得政府及礦主採納。遂見實行。兩年之後。煤工以工資太低。要求增加。礦主不允。雙方決裂。全國煤礦停工者。旬之久。一九二三至一九二四年。英國煤業興旺。礦主應工人要求。增加工資。然一九二四年以後。德國煤業恢復。英國輸出大受打擊。同時國中鋼鐵造船諸業。逐漸衰落。國內煤料銷場縮少。故煤業受損失特甚。由一九二四至一九二五年。內外形勢不變。煤業損失大增。礦主以爲礦工工作時間太短。工資單位太高。非從斯二者設法。無方補救。故于一九二五年夏間。礦主決定恢復八點鐘工作時間。並減少工資本位。當時煤工極力抗拒。率罷工不讓步。交涉決裂。政府出來調停。兩方如舊歸業。政府暫時津貼礦主損失。以待煤業根本解決。同時政府派一調查煤業委員會。看報告改革煤業方針。以資採取。該委員會自去年八月成立。實地考察。廣集輿論。今年三月六日。報告脫稿。凡數萬言。對於煤業改革。詳述極詳。數日之後。政府採取該報告之全部。礦主雖不贊成。然雙方對於主要爭點。意見仍背馳。按報告建議中。最顯著者有兩點。一。礦主須改革煤業之組織。二。煤業組織在改革時。礦工工資應略受裁減。對於組織改革。礦主大體認可。然



必礦工工資先被裁減，然後肯實行。礦工則不願預先答應減少工資。欲俟礦主暫行之後，再議此事。於是兩方討論屢次，絲毫不得要領。政府極力從中斡旋，然亦不生效力。而政府津貼滿期之日（五月一日）日就接近。輿論漸起恐慌。蓋政府因津貼煤業，花費二五〇〇〇〇〇〇。鑄此次津貼滿期，斷不肯繼續。若礦主礦工會議無成，罷工在所不免。輿論雖不欲罷工，政府雖盡力調和，而資本與勞動之爭執，愈演愈烈。四月三十日三方會議，最後決裂。五月一日，英國工聯總會宣佈工聯全體大罷工。於五月三日舉行。此兩日間，該總會之評議部代表煤工工聯與政府繼續談判，冀得最後補救。然終不生效果。五月三夜十二點，罷工之期屆。三方尙無成約。於是資本與勞動遂宣戰。

各方作戰 煤主與煤工之爭鬥。與政府本不相干。但煤業乃英國最大實業。其成敗影響國計民生至巨。政府代表國民。應有發言餘地。且自去年八月以來。政府因煤業損失津貼二五・〇〇・〇・〇〇・〇鎊。奇所費如是之多。當然有干涉資格。惟是交涉未決裂前。政府地位是一中。人地位對雙方只能從婉斡旋。不能強力干涉。此次三角會議。政府表面上是不偏無私。然暗中有無幫助煤主。是極難說。蓋報章所傳。多具偏見。不可盡信他。無論如何。工聯總會宣布罷工後。政府地位突變。前此政府責任在魯曼。斡旋之人。現時政府義務在維持治安。前此政府目的在防避罷工。現時罷工已成事實。政府須預防內亂。所以五月一日工聯決定罷工後。政府即下戒嚴令。同時內閣開緊急會議。商定罷工中應行事宜。政府軍隊馳赴煤場者。已奉特令動戶。煤炭之待輸出者。均被政府阻扣。此外各城市。巡警偵探。佈。凜然若大難之將至。主要交通機關。如鐵道。電車。地鐵車。無線電。均被政府收管。主要燃料。如麵包。牛肉。牛乳等。

亦受政府約束。總而言之。政府對此次罷工。準備極乎普遍。其目的在維持治安。與預防騷亂。若工人趨於極端。政府不免用兵力對付。茲言工聯方面作戰之行動。世界各國中。工人組織最完善者。莫過英國。在英國各極勞動團體。均有工聯組織。各工聯聯合。組成工聯聯合會。或工聯總會 (Labour Union Congress) 煤工工聯。乃此工聯總會主要份子。此次煤工與煤主會議決裂時。工聯總會開緊急會議。召集各工聯代表。取決其他工聯應取態度。投票議決時。幾乎全體贊成參加罷工。以作煤工後盾。議決宣布後。各工聯立時即通知全國勞動大小團體。以備大舉。同時工聯總會。發布傳單。詳述在罷工中。該份子應取之態度及行為。各工聯復將代表全權。委于工聯總會之評議部 (General Council of Labour Union Congress) 其後。關於罷工事宜。由該評議部決其執行一切。按工聯總會評議部。乃工界議會。以各工聯所派代表充之。現時該部有部員二十餘人。皆英國勞動界領袖。其中不乏上等材料。此外此國中。有多少團體。與勞動界表同情。亦暗中盡力幫助。目下罷工之人工資斷絕。靠在一聯供給。工聯素有儲金。加以募捐進款。可支持一時。然罷工人數達四百萬之多。工聯總會之組織雖極完善。恐終難持久接濟也。

二、世界輿論 茲國國中有兩種輿論。極端歡迎罷工。其一為極端保守。黨其一為極激烈之共產派。極端守舊派。歡迎罷工。欲藉撲滅工聯。以置資本於磐石之安。共產派歡迎罷工。因欲乘機變亂。傾覆政府與資本主義。然此兩派。均屬少數。其餘人民。除煤工與礦主外。均反對罷工之事。蓋煤業停止。已非小事。全國大罷工。其影響人民生計。與國家元氣者。實非淺鮮也。

罷工責任 此次大罷工事件。誰執其咎乎。五月一日。魯易喬治在劍



據商會演說。言此次罷工發生。實乃政府調處失宜所致。若委員會報告發出後。政府即日與雙方磋商。不事遲延。爭點不難解決。同日工黨著名議員古萊因 Clynes 在外省演講。完全袒護煤工。謂此次罷工。咎在煤主與政府。煤工爲自衛起見。不得已作生死之爭。昨晚衆院辯論罷工事。總理鮑爾溫因詳述會議經過。與政府之方針及態度。字字句句。都是爲自己辯明。同黨議員當然鼓掌。與總理辯駁者。在工黨方面有麥多那與湯麥司 Thomas 此二人請政府無謂啓釁。致陷國家人民憲法於極大危險。至於言論界。守舊報紙袒護礦主與政府。責煤工要求太苛。無求全誠意。自由黨報紙對於礦主與煤工。均少評論。然斥責政府。則不遺餘力。工黨報章。公然與煤工攜手。詰政府與資本家朋比之罪。普通人民。嬌恣者助礦主。惻忍者袒煤工。然大多數反對暴動。若罷工之人。趨于極端。以至召亂。政府不難號召大多數人民。盡薄憲之義務也。

罷工影響 在一實業發達社會。如英國者。罷工之影響。至大且廣。如現時之大罷工。全國所受損失。每日必達巨萬。若曠日持久。國家元氣。將大受挫折。非十餘年所得恢復。就個人而論。罷工中受苦最甚者。莫過於罷工之工人。此等工人。平常只能糊口。罷工發生。靠在上聯供給。朝不謀夕。其困苦自可想見。人民中。最不受罷工影響者。爲富有資產之人。彼等收入既豐。自無糧食匱竭之虞。車馬盈庭。無往來不便之苦。罷工結果。無論誰勝誰敗。彼等所受損失。總極微末。中等社會受影響則較大。居家城外者。須照舊入城營業。然無車無馬。只得步行。居家偏僻者。交通隔絕。物價飛騰。有糧食恐慌之苦。若罷工期間展長。則受苦將更甚。此外近工人萃聚之區。不免有種種小暴動。聞今日在保不那 Poplar。罷工工人與巡警衝突。工人死者五人。巡警死者二人。未知是否屬實。又今晨政府收

管倫敦晨報館。以備印行傳單。有工人數十。欲乘機阻止。被巡警發覺。棄甲而走。此消息似有根據。然其中報章既停版。消息隔絕。謠言繁興。若罷工持久。民間不免時生恐慌也。

結論 在歐洲各國中。資本主義發達。莫過英國。勞動團體堅固。亦莫過英國。而勞資之仇視。亦莫過英國。此次大罷工。表面上乃煤工與爆主之私爭。其實乃勞働與資本之公的。若罷工結果。工人勝利。英國工界之勢力。將更澎漲。工黨必受其利。若工人失敗。英國工聯主義。將大受挫折。保守黨必復張膽。敢爲。然無論誰敗誰勝。此後資本與勞動。彼此仇視。將更甚。國家元氣。必更受一番損傷。此亦大英帝國主義所不可道免之現象也。

(完)

## 巴黎新裝

琮

巴黎婦女自戰後已不復御黑色絲襪。最近於今年四月間。此種黑絲襪復爲社會上時髦品。最先由社交明星及著名女伶五六人提倡之。襪薄如蟬翼。上用人工繡植精緻花朵。其長度自足踝至膝爲止。每雙價約美金三十元。質料極脆薄。普通祇能用一次云。





## 世界青年運動

廖子仁在徐州第十中學之演講  
鑑吾記錄

顧子仁碩士。爲聯太平洋會議及日內瓦萬國禁烟會我國國民代表。現任上海青年協會副總幹事。上月廿九日由滬抵徐。二十日在第十中學演講。記錄其詞。供諸讀者。

予自去歲回國後。即常向各處考察青年運動。今茲來徐。亦即爲此。且預備由徐州而開封。太原。加意觀察。惟現在中國青年。皆不滿意於生活現狀。因此發生各項運動。實則外國青年情景。亦正與中國相同。予近曾周歷歐亞數十國。與此數十國青年。皆有長時期之接觸與討論。今將印度及德國青年之主義思想。與服務精神。介紹於諸君。因印度國家滅亡。人民極爲困頓。德國新經戰敗。外力壓迫尤深。中國國家雖覺困頓。與受外力壓迫。但尙遠勝於印度與德國。我等既知印度德國青年運動之精神。則亦未嘗不可謀所以自處。予居留印度四月。遊歷名城大鎮十六處。每覺印度青年。惟一希望之目的。係爲爭回印度獨立。獨立運動之領袖爲甘地。甘地因印度現受英人管轄。欲與英人奮鬥。爭回獨立。非團結內部。不能有力。故甘地對於印度獨立運動。第一着手。即在團結印度內部。惟印度內部團結。至爲不易。茲述其最顯著者二端於下。

(一)語言文字太複雜。印度方言。據予調查。有三百餘種。彼此情誼。不能溝通。文字有三四種。不能如中國之語言不通。可以筆談代替。當見一中學校。校內分兩部。但非如中國中學之有初中高中。係因文字不同。而判別。校長出一佈告。必用兩種文字。全體學生。方能明瞭。又印度現爲土人統轄。教育所用文字。皆爲英文。印度本來文化。曰漸汨沒。此皆印度內部不能團結之故也。

二宗教仇視太激烈。印度宗教。派別甚多。常相仇視。就中以回教波羅門教。仇視爲最甚。每一星期。至少發生衝突一次。而仇視起因。則又至爲微末。婆羅門教徒茹素。戒殺生。對於耕牛。尤爲重視。因其能助農人耕作。故也。回教徒慣殺牛。其不肯者。常故意殺牛於婆羅門教徒前。甚或將殺死耕牛皮肉。擲付婆羅門教寺中。衝突遂因之而起。婆羅門恨回之刺骨。曾有一次。印度人導予參觀鐘樓大鐘。鐘內繞一回。回人頭人頭兩旁。有門各一。每至報時打點。兩旁之門。皆開放。內出一羊頭。向此回回人頭衝撞。予問其用意。則言此間爲婆羅門教徒聚集地。厭惡回回。特製此以洩忿。國家內部人民如此仇視。如何再能合力禦侮。甘地於此。乃聯絡回回。教與波羅門教領袖各一人。并其本身三人。共向全國宣傳。解除此項仇視誤會。印度社會。所受影響極大。甘地因有上述各種運動。現在已被英國人拘捕監禁。印度社會。對於甘



地。極表尊榮。青年之受甘地感化者。其心靈不外二種。即一勝熱血。與一副淚。有不惜犧牲者。常為英國人一次所仇視。其一懷亡國隱痛者。與人談及國事。每泣不成聲。印度青年情態如是如是。

德國原為世界之強國。自經戰敗。所處地位。極為困難。一千九百二十一年。予經德國時。值戰後殘敗之餘。惟見其民窮財盡而已。近數年來。常在報紙上。見英法戰勝國。要素賠款。及種種限制發展條件。意以為德國青年。必有慷慨激昂之愛國運動。去歲至德國。則完全不曾有此等現象。極為懷疑。及至柏林大學。則見有二事。大抵注意。

(一)國人贈送學生飯食 戰後國民經濟困難。大學學生。多無錢購食。國人因國家政治文化。皆託命於大學學生。特辦一廚房。贈送飯食於學生。使學生得完成其學業。又柏林學生。率多每日兩餐。將早晨一餐省去。予以學生。正在年富力強。一日兩餐。焉能敷用。問其原因。則言更有其他苦學生。每日以此兩餐。亦不能辦到。特將此省下之一餐。捐付此項苦學生。其苦卓越。有如此者。

二學生出資製造飛機 予又一次在柏林大學演講。講畢。聽講學生。導予至各處參觀。柏林大學房屋。極為雄壯宏麗。其後方有破屋數幢。封閉嚴密。甚不雅觀。彼等引予進內視察。見其中皆工程圖表模型。與製造用具。如斧鑿之類。問之。則言為製造飛機處。予更為懷疑。柏林大學。向有設備完善之工程科。製造飛機。當在其中。緣何乃在此污敗不堪二破屋學習。則言德國戰敗後。與英法人訂定議和條約。不許德人學習飛機。故以吾等在此秘密研究。勿使經久忘却。英法限制德國此項條約。與外人與中國所結不平等條約。正復相同。所異者。德國青年。秘密進行廢除。非若中國青年。徒以口頭爭廢除耳。

德國地位。現在業已日見提高。其青年學生。計畫之深。堅忍之力。又復如此。將來在世界。上。仍能回復至一等國家地位。可無疑義。

中國青年運動。現分二種。一普通愛國運動。二非字主義運動。如非資本主義。非基督教主義等。是其運動。多係附和盲從。并不了解其真意義。予前日在長沙。有一學生。為言去歲向教育廳請願。包圍教育廳。其言彼正閱書。忽來同學數人。邀請加入請願運動。時天雨。彼即取換草履。隨之而去。至教育廳盤踞許久。卒被趙恆惕派兵驅逐。此學生設使當時。趙恆惕之兵。槍殺。彼心中。尚不知所為何事。豈不冤屈。現在學生。不論何項運動。所發電報。宣言。皆為剽版文章。千篇一律。電報宣言。發出後。運動亦即完竣。豈不可笑之至。予今再提出我輩青年運動。所當必備者三種。請諸同學留意。

(一)鍛鍊思想 予在歐洲時。與各國學生。集會討論事體。覺理解清晰。思想周密者。以英國學生為最。彼等凡遇一問題。認識極為清楚。辯論極為明確。方法皆能面面俱到。故能成其偉大雄厚事業。中國學生。凡至集會。打罵衝突之事。屢見不一。運動焉得而不失敗。中國人天資本極聰穎。因為舊教育所誤。思想遂不發達。致有此等弊病。望加意鍛鍊思想。彌補此項缺憾。

(二)捐除客氣 打電報。登演說。事演講。遊行市威。是乃羣衆運動一種表示。并非羣衆運動之最後目的。中國學生。對於打電報。演講。遊行等事。常樂為之。若至窮鄉僻壤。為人所見不到地方。則不願進行。此等人作羣衆運動。是為客氣。意在出風頭。并無誠意為社會服務。此習務必捐除。

(三)保持人格 青年運動。固須有主義。而實行主義時。尤應注重個人人格。如中山先生。予極端佩服。中山先生。始而民族革命。繼而政治革命。



主義變過數次。其千迴百折。自始至終未變者。則為中山先生之人格。予嘗至張家口。見國民黨偉人李烈鈞、柏文蔚、徐季龍等數十人。予其尊敬。民黨偉人。以其能領袖吾民衆向光明路上去。但予在張家口數日。曾見此等偉人。有二人吸食鴉片。予大為失望。此等人本身問題。尙未能解決。更安能付託以國家大事。予嘗至廣東。臨行時。持汪精衛先生函。至罷工委員會。請領出口護照。當時罷工委員會。正被蔣介石繳械。值事人程某。

大發牢騷。埋怨政府。將汪先生函。置之不理。予甚為着急。向他人詢問出口辦法。則云。能出銀四十元。即可將出口護照領出。予聞聽之下。心中甚為痛忿。夫以高唱打倒資本主義者。而竟重視金錢。甯非怪事。此無他。其人格不純潔故耳。故今後做事。主義固須認定。而保持人格。尤為必要。人格若先失去。主義無論若何光明。皆不能得羣衆同情也。

# 新箋 嚶社

|     |     |     |     |     |     |     |
|-----|-----|-----|-----|-----|-----|-----|
| 愛神箋 | 凌雲箋 | 鸚鵡箋 | 進步箋 | 百子箋 | 英雄箋 | 醒獅箋 |
| 籐花箋 | 相思箋 | 飛雁箋 | 雙燕箋 | 美人箋 | 歡喜箋 | 平等箋 |

◻ 裝 合 種 十 ◻

箋 合 璧

每束 均售 大洋 一角 五分

所 行 發 總

海 上

號 二 〇 二 路 東 山



# 國內外一週間大事紀

公展

## 國外之部

——自六月三日至九日——

▲日本政局 日本政府改組內閣之議起因已久。憲本聯立內閣既無望。乃有憲政會與研究會合作之運動。若槻首相於六月一日對於研究會正式交涉。請水野直子爵入閣。該會推薦現任海軍政務次官井上匡四郎子爵以代水野。



日本研究會推薦人井上匡四郎

野首相遂招憲政會總務町田忠治。德重入閣。且決定以井上為鐵相。町田為農相。同時以濱口為內相。早速為藏相。於是內閣改造之準備乃見完成。攝政太子二日回東京後。三日午後。即舉行改造內閣四閣員之親任式。同時並免若槻首相之內相兼職及仙石鐵相之本職。此次研究會井上之入閣。與青木水野兩子為後援。研究會今後對政府之關係將益趨密切。八日新閣議決定大正十六年度歲出入方針。仍取緊縮主義。對於新經費除緊急不能已者外。一切不與承認。對於既

定經費仍須嚴查。苟有削減餘地者。皆須節約。據其大略預算。大正十六年度歲入為十六億二千八十萬六千三百四十四元。歲出與歲入同。內閣改造後。政黨間之形勢如下。研究會井上之入閣。憲政會內諸顧問及黨內之少壯者。皆視為違反憲法精神。頗不滿意。如望月小太郎。藤澤巖之輔。加藤政之助。大津淳一郎。小寺謙吉等。憲政會顧問。均進言首相謂憲政會不能以單獨內閣進行。非常系念。自今以後。恐失黨員及天下之同情。觀此。可見憲政會內部尚有問題。至政友會幹部會決定攻擊憲政會改造內閣。俟現在回里之田中總裁回東京後。即對於全國舉行大遊說。其所以決定取反對態度者。蓋以肅正紀綱。相繼榜之現內閣。而令與炭礦事件有關之巨壁井上入閣。認為不妥也。政友本黨。仍始終高唱政策本位。欲使第五十二屆議會仍照前屆議會同樣關係進行。恐不可能矣。

▲英國工潮 英國煤礦工潮。迄今未了。蓋已延長至五十六星期矣。政府方面決計自六月份起。不再續予津貼。前工黨首相麥克唐納。乃於一日在下院稱。煤業形勢可為國家大患。下院應設法解決。政府辦理此事。殊堪警惕。尤以停止津貼為甚。欲振興煤業。不可不籌款。自由黨喬治亦勸政府立即重提改組煤業之案。而首相包爾溫答稱。渠頗意隨時恢復。



談判。但不願允許以納稅人之資。無期扶助一種實業。亦決不因礦工停工。即在政治。管理煤礦。無論將來如何解決。似終需政府之襄助。政府固準備爲之。但在解決以前。渠未能預言此襄助爲何種形式。或達何限度也云云。可見給予津貼及收歸國有。包爾溫均所反對。工黨提議不投礦務部信任票。但此提議下院以二五二票對一〇八票否決之。迨二日而下院更以二四九票對一〇〇票通過向英皇致謝之文。以英皇頒布諭文。擴張緊急條例。並授權內務大臣禁止銀行或私人收受自外運來擬用以接濟有碍公安或妨害民命舉動之資財或債券也。換言之。即禁止嗣後收受國外匯到資助礦工之捐款。以期壓迫礦工使之俯首就範耳。英政府爲資本帝國主義之代表。益信然矣。

▲國際聯盟。國際聯盟行政會。巴西本要求佔永遠會員一席。而格於形勢。恐未能如願。故巴西政府近日正式照會國際聯盟。數星期後將退出聯盟。不再參與九月間在日內瓦舉行之聯盟會議。按之巴西代表米洛七日因病未出席行政會議。亦未派人代表。此說或不盡虛也。英代表張伯倫等。六日抵日內瓦。參加國際聯盟行政會議。議行政會定明日開始考慮國際委員會關於洛桑條約下韃靼海峽問題之報告。又國際聯盟新屋。六日正式落成。禮。國際勞工代表皆出席參觀。者。國際聯盟有政府代表朱兆莘氏出席。朱氏在國際勞工會議演說。謂中政府繼續表示熱烈注意。擬從速實行大會所定之標準。但非至中國已達新實業化之階級時。此種新勞工標準未能行之妥善。進希中國可脫離不平等條約之束縛。以便發展新實業云云。又國際聯盟會鴉片顧問會英代表於一日稱。有嗎啡與海羅英二百基羅格蘭姆。由德國運至上海。中政府證明此藥係供上海各醫院醫藥之用。其實另有用途。

我國代表朱兆莘聞此攻擊之言。大爲憤懣。乃大言曰。英國以其藥毒此世界。又曰。中國境內仇英輿論日見增盛云云。主席法代表波旭懷。宣布休息用茶。雙方爭辯乃止。三日。朱兆莘又對鴉片顧問會發言。力勸勿發表侮辱中政府之文件。嗚呼。朱氏在外欲爲國家力爭體面。無如國內軍閥方以勒種鴉片抽收重稅爲事。又安得不受他人之責備乎。

▲英迫埃及。埃及自新近選舉以來。前已失敗之柴魯爾。大獲勝利。捲土重來。開柴魯爾初不變其倔強態度。不允接受英國(一)關於蘇丹管轄權。(二)蘇

彝士運河保

障權。(三)埃及

及境內外入

利益保護權。

又(四)埃及

之國防權等

四項保留條

件。於是英戰

埃及之王



艦賴沙魯爾號。即奉命由英開赴埃及。此外尚有數艘。亦奉准備隨時開往埃及之命。其欲柴魯爾屈服。顯而易見。三日。柴魯爾依衆議員之請。允辭首相職。初擬自由黨領袖葉漢担任相職。繼改任艾德立組新閣。此無表示埃及國民黨已願讓步矣。英人乃以爲時局可大鬆動。惟報紙尙謂異柴魯爾佔國會大多數。仍將行使其權。而新相艾德立對於英國四項保留究抱何種態度。亦大可注意者也。

▲英土條約。英土間之摩塞爾條約。五日夜半在安戈拉簽字。八日土

耳其國會已批准之。聞該約維持白魯塞爾界線。惟有一端稍經修正。利於土國。並規定土耳其與伊拉克邊界之兩面。各以七十五基羅邁當爲不設軍備之區域。凡伊拉克油礦繳納伊拉克政府之稅。土國可得其十分之一。倫敦報紙對於英土新約甚爲滿意。以爲意相墨索里尼近來所發之言論。已使土國激烈派爲之氣沮。但巴黎迴聲報則謂英土條約乃英國之勝利。就各種事件察之。英意兩政府對於小亞細亞及北斐。顯已採行一種聯合計劃云。

▲美國戰債 美國衆議院二日以二二六票對一一一。票通過法債償案。此問題曾經辯論數日。民主黨指此條件過於寬厚。對於美國納稅人殊不公允。惟此案辯論並不拘於黨義。民主黨議員如克利斯浦。則聯絡共和黨。爲此案辯護。此案現已送交參院。大約尚有若干反對。而大體則可望通過。惟紐約時報主人鄂癡思氏。遊歐三日。近已返美。主張以銷戰債。以此債款爲永久和平之犧牲。謂美人之由外國歸來者。皆抱美人不爲外人所喜之印象。蓋外人以爲美國乃甚富之國。猶強人償付戰債。償付之債款也云云。此項取銷戰債之說。前有倡之者。但未得同情之考慮。今則輿論漸變。紐約時報與紐約世界報皆有取銷戰債之論調矣。

▲各國雜事 波蘭已舉摩齊基教授爲總統。摩乃機師而兼實業家云。葡萄牙革命內閣成立。加白加達斯少佐任總統。兼內務。長商務外交者爲鄂卓亞少佐。長陸軍殖民農業者爲柯斯泰將軍。長海軍財政司法者爲開白階達少佐。

則顯已失敗矣。

菲列濱前定律商業簿記。須用英文西班牙文或本地文。茲由美國大理院宣布爲不合法。原告某華僑公司聲稱。菲島商民八萬五千人。內有華商一萬二千人。此律將令彼等大受損礙。故美國大理院宣布爲不合法。華僑大爲欣慰也。

## (二) 國內之部

▲吳張會議 吳張會議傳之已久。此週間則偵知吳佩孚已抵保。張作霖已抵津。雙方各派代表。預先商議。而吳張兩巨頭何日會晤。向未可知。會議內容如何。更談不到也。吳自免靳雲鶚之第一軍總司令職後。吳張之間。少一層隔閡。靳雲鶚亦遵令交卸。而大局尙未許樂觀。晉北戰事更緊。如雁門關失守。黃河以北恐有變化。影響或且及於長江流域。故今後關鍵全在晉省軍事如何。而外人電訊。謂田維勤軍一部忽由沙河南下。反攻奉聯軍。甚且有顧和園已作戰場之風傳。雖業已證明出於謠傳。而吳佩孚因此謠傳。五日中午止赴長辛店檢閱田部。北京軍警亦格外戒嚴。則爲不可掩之事實也。奉張方面。五日晨四時。始離啓程入關。鄭謙。楊毓均及八大處隨員從行。六日晨抵天津。張學良。褚玉璞。李景林。五日晚均赴唐山歡迎。奉天軍署。由楊宇霆代拆代行。張既抵津。奉直魯聯軍將領。即晚在行轅公宴張氏。開秘密會議。商軍事及政法問題。七日上午。天津開預備會議。張作霖派鄭謙。張景惠。吳佩孚派張其銓。張志潭列席。議案分三大綱。(一)軍事。(二)政治。(三)法律。預定三天議畢。由張其銓回保報告。再商入京日期。至四代表第一日會議之情形。大概如下。(一)軍事。合作進攻西北。奉任多倫。吳任兩口。直魯聯軍任後方。各軍餉糧自籌。並約定決不單獨與西北言和。(二)政治。在軍事未收束前。暫由顧維鈞持。



奉可承認爲事實上內閣。俟軍事收束後再行議決。惟顏閣如以復職方式到任。則因十三年曾免張職。奉方未便贊同。(三)法律問題。係全國事宜。應行公決。疆吏不僅吳張。且元老名流人民意見。亦須兼顧。聞張其鍾已覆電致吳。八日當繼續交換意見云。

▲北京政局。北京之顏內閣。其壽命專候吳張會議之形勢而有所決定。吳佩孚抵保以後。仍主維護顏閣。故顏氏今日已比較高興。而吳氏免新雲鵬職。更足使乃兄雲鵬組閣之念冷了半截。此尤顏氏所認爲最好之消息也。

楊文愷三

日到保。杜

錫珪四日

亦至吳均

催其速行

入京就職

顏惠慶乃



杜海長之錫珪

於日派孫潤宇赴津。勸張國淦張志潭就職。據孫氏報告。謂張國淦稱病不來。張志潭允九日內入京。未來農次之張孝者。亦於二日晚入京。爲顏閣奔走。顏惠慶五日電吳。謂公不入京。閣員觀望。亟需款。無法維持。如公三四天內不能入京。惠慶惟有謹謝不敏云云。所言蓋亦實情也。幸海杜農錫均於六日抵京。七日先後就職。顏氏總算已經不是光桿總理。惟顧維鈞初擬八日就職。又因節款難籌。財政毫無辦法。且吳有改任王克敏長財之說。故仍未就職。顏氏八日開第一次閣議之希望。又成泡影。僅於七日晚在宅宴杜錫珪、楊文愷、顧維鈞、王寵惠。介紹見各部次長而已。

就財政而言。四五兩月份鹽餘。共一百四十餘萬。如數扣撥湖廣債票本息。分文難挪。顧維鈞以節關在邇。焦急萬分。商之章爾登。擬挪用鹽稅指還外債之基金。而章氏不允。顧又與銀行界商墊款。仍須待銀行界考量能力後。再給回音。顧氏希望只辦二百五十萬。先渡端節。再作計較。此外使團因中政府擬提關稅一百萬。爲京師軍警過節費。八日召安格聯。詢問關稅有無存額。安氏僅允勉籌五十萬。維持京師治安。但此後山窮水盡。或仍當從關稅二五附稅上想法押借現款。故外傳顏惠慶將在極短期間。秘密解決五卅案。爲外團承認顏閣條件。並擬提早結束關會。即辦二五附加稅。事或有因也。

▲國會問題。議員又復活動。吳佩孚電漢。召議員赴保。吳景濂四日晚離漢北上。六日抵保。請吳向張作霖解釋。旅漢議員亦於五日夜掃數北上。但收回兩院院址。當局無負責表示。須俟張吳會晤。一致同意後。方可實行。而赴保議員代表詢吳以國會開會日期。吳言須與張作霖晤後。再定其赴奉議員代表見張作霖。請維持國會。張氏首問究竟第一屆國會壽命有若干年。代表不能答。此亦時局中之趣聞也。

▲西北軍事。晉北戰事吃緊。國民軍二十七日攻沾大同。業已證實。晉軍石翼商震部退懷仁。左翼孔繁蔚部退英家窰。鹿鍾麟、李鳴鐘、韓復榘由得勝、鎮川、駐市三口。分三路進攻雁門關。外傳三十一日攻佔雁門。則尚未證實。吳佩孚鑒於形勢緊急。乃令第一軍第一路進攻南口。由田維勤指揮。第二三路王維城王爲蔚部開援。皆北。由王維城指揮。而閻允吳軍入晉。但由長城外各屬進兵爲限。三日保定會議。田維勤任東路。王維城王爲蔚任中路。魏益三及劉佐龍任西路。吳又與作霖電商實行合作。奉攻多倫諾爾。直攻南口。奉張亦電令南口前線奉聯軍暫緩撤退。褚玉

璞原擬撤撤南口所部。現因吳態度積極。決令前敵隊伍中止撤退。會攻西北。二日晨。褚氏且親赴南口。視察防務。六日京訊。謂吳決武力解決西北。分編四軍。吳自任第一軍總司令。直轄田維勤。王為蔚等部。第二軍總司令彭壽莘。閻治堂第三軍任總司令。齊燮元任第四軍總司令。魏益三副司令。田維勤奉動員令。七日起所部分三路前進。集中昌平。兵車擁擠京綏路。客車至清河。第一路總司令部九日移門頭溝。王為蔚部開良鄉。米國賢旅開駐涿州。担任後方防務。而田電吳。報告所部已向門頭溝三家店開拔。俟悉抵目的地後。即親赴前線指揮。吳佩孚且有自帶田維勤王為蔚兩部軍隊。進攻南口消息。聞吳軍六日下全體動員令。定十二日下令總攻擊。其尤煊染熱開者。則謂吳佩孚擬九路出兵。奉軍任一二路。出黑山嘴及豐寧。直魯聯軍任三四路。出黑龍潭及摩天峪。直軍任五六路。出鎮邊城及紫荆關。晉軍任七八路。出雁門關及朔平。甘軍任九路。由合水出賀通山。現吳電令張兆鈞馬麒各部。由白於山甯夏會師北進。俟與張作霖晤面後。將親赴南口前線指揮。吳大帥之戰興。可謂豪矣。特不知其結果。究竟能如其所願。將所謂「赤軍」者澈底討平否耳。

▲外交事件。外交事件。此週間一無進展。列舉如下。(一)關會空氣不佳。祇能辦到二五附加稅。(二)司法調查委員會。由杭回滬後。一日赴青島。二日晚抵青。三日查視法庭監獄後。即赴大連。五日晨已抵奉。現已抵哈爾濱矣。(三)滬蘇交涉。以刑事部分三領不允取消陪審。故談判停頓。丁文江赴甯請示。九日繼續開議。(四)奉俄會議。日漸停頓。因俄提下列條件。被奉拒絕所致。(一)要求奉方將撤回加拉罕之原議取消。(二)奉路沿線警察市政及其他行政機關。皆須聘俄人為高等顧問。並將市政參事加入半數俄員。(三)承認在滿洲組職業同盟。(四)解除中國各機

關任用之白黨及募集之白黨軍隊。(五)撤廢東路督辦署。(六)通用蘇俄政府發行之紙幣。(七)北滿迄中俄邊境。須由中俄兩國軍隊共同警備。(八)俄政府及東路附屬財產。須一律返還。

▲粵省政局。粵省高唱北伐。軍隊業已出發。但尚未入湘作戰。而內部則又微有變動。三十日晨。蔣介石派第二師憲兵。包圍吳鐵城宅。吳被捕。孫科伍朝樞頗無效。次日下午。吳鐵城十七師師長免職。由歐陽駒升師長。三十一日。歐陽駒即任石龍就職。吳鐵城則於二日解黃埔。伍朝樞

蔣介石拘捕吳鐵城



馬超俊一日請假來滬。國民政府即下令任命孫科為市政委員。長以代伍氏。孫科已於五日就職。交涉員歸併外交

部。而粵關監督傅秉常亦同時免職。由林子峯繼任。政府常派陳友仁、陳公博、宋子文、辦理解決工潮。四商會函請港商合作。共謀解決。並舉馬伯年。梁培基赴港接洽云。

▲湘省戰事。湘戰自葉軍與護湘軍會攻後。唐生智有三十日率部退出衡陽。說外傳唐氏棄衡陽。赴祁陽守零陵。所部分退來陽。零陵、郴州葉軍又報告卅一日下午克衡陽。葉軍蔣鄒兩旅。賀軍鄭謝兩旅。將在衡陽集合。然唐生智二日電粵。謂是日在衡州就第八軍長職。服從國民政



府命令。則退出衡陽之說。未盡確也。果也。唐軍又以反攻聞矣。聞唐生智軍反攻寶慶。與護湘軍在洪羅廟渣江一帶激戰。葉賀調兵向西路增援。可見衡陽尚未由葉軍佔領。當唐率部退出衡陽時。詭言請葉賀停戰收編。實密令李品仙周瀾等。向寶慶襲擊。故有洪羅廟渣江一帶之接觸。據唐氏致粵之捷電。一二兩日。將紅羅廟金蘭寺前線敵軍擊潰。敵向湘鄉退。中路劉周兩師。同日向渣江壘橋攻擊。敵向花石花橋潰竄。右翼李師。同日向萱洲河前線攻擊。敵向護湘關退。大概唐軍近日又謀攻衡山南岳。而葉軍復以護湘關湘鄉永豐爲防線。而外人消息。謂唐已克復寶慶永豐衡山等處。則又未免言之過早也。湘西則聯唐之賀龍。二十四日到辰州。賀電粵桂。謂聯合川黔援軍。已及辰州。決以奮鬥精神。求主義貫徹。俟湘西障礙排除。即以所部從諸公後。黔軍務會辦彭漢章。亦致電國民政府。謂已率所屬全部移駐黔東。請政府改編。聽候調遣。湘西吃緊。賀耀祖之第一師。自未便移攻湘南。粵省方面。蔣介石調第一軍。應欽部及第二第三等軍。由潮汕西上。粵漢路車輛。完全運兵。蔣又電令桂軍集中桂林。分向永州全州急進。至粵軍前鋒已抵郴州。國民政府令。特任蔣爲國民革命軍總司令。蓋北伐期內。應有設總司令之必要也。

▲閩將攻粵。粵省北伐聲中。周蔭人對粵軍事。布置將竣。張毅李鳳翔。張慶羽。蔣啓鳳。均担任作戰。待粵贛激戰時。即可進攻潮汕。孔昭同爲準備攻粵計。將駐詩山軍隊調回泉州。對民軍吳威暫時羈縻。孫傳芳接濟張毅機關槍二架。子彈三萬發。自滬運廈入漳。而吳佩孚又電周蔭人。速籌援贛攻粵。周擬令十二師及三十旅蘇挺部出南城援贛。一師長張毅。三師李鳳翔各抽一旅。及補充旅蔣啓鳳部。出潮汕攻粵。以第一旅孫雲峯二十九旅孔昭同。二旅董勝標爲後援云。

▲東南大局。蘇魯間日前有種種謠言。魯方則張宗昌通令。限各軍一月內肅清紅槍會黑槍會。近繼魯軍。先後撤回魯南。擬以程國瑞許琨爲魯南警備總副司令。而奉兵工廠運魯軍械二列車。二日過津。其中砲彈一項。達八千枚。不能不令人注意。蘇省則除連日廢有軍火運甯外。浙省砲兵又有開赴徐州之說。而南京又爲各方代表所集中。隱然成爲東南政治之中心。近數日來。則如廣州國民政府及國軍等均各有代表前來。目靳氏爲職之事作。而新直系之風聲中。又時時有東南要人之蛛絲馬跡。謠言因而申熾。然吳佩孚代表遲雲鵬抵魯。爲蘇魯間疏通。孫傳芳代表劉春台程登科。向張宗昌解釋徐州增兵勦匪之誤會。並商恢復津浦交通。張派紀書元赴甯。答訪孫傳芳。蘇魯之問。似已可以無事。故孫傳芳近日已嚴查謠言之由來。而對於外報之首播謠風。尤竭力交涉更正。聲明五省旨在保安。對國家希望統一。絕無所謂獨立云。





# 曲譜續

二北

元明人曲選曲集名目。多爲他處所不得見。元選如天機碎錦。片玉珠璣。明選如萬花。套數選詞。吟藁。金元詞餘。清遠齋樂府。三餘樂事等。皆可確其非詩餘。後三種篇幅尤廣。或有十卷。或原書外。另有摘錦。至於一家之別集。其名目尤新。如陶輔之蜩螗清娛二卷。七一居士之滑稽餘音二卷。劉効祖之短柱效顰。遠步新聲。陳鐸之梨雪寄傲。張四維之溪上閑情等。更有李開先。王九思諸人之集。茲擇其可考者。略論一二。

李開先伯華。曾輯元人喬張兩家小令。刊行於世。又輯歇指調古今詞一卷。見千頃目。夫專取一宮調之詞。古今選家所未有也。歇指調聲情急併。虛歇。李氏何所取而專錄之。誠不可解。至於李氏所撰。被王弇州詆訶備至。謂北人自王康後。推山東李伯華。伯華以百闕傍粧臺爲德涵所賞。今其辭尙存。不足道也。按王九思敬夫碧山樂府後。附南曲次韻。即李氏撰傍粧臺百闕。與王氏和作百闕也。王氏序。全作感憤激烈。有正有謔。洋洋盈耳。是實登百闕者爲王敬夫。而非康德涵。弇州殆亦有誤歟。李作意則感憤。辭殊泛常。多集諺語。而無粧點剪裁。塵氣滿紙。又冗長拖沓。弇州之譏。毫不爲過。特百闕之中。亦不無一二可誦者。如曰「醉醺醺。幾中乾了。玉壺春。勸君莫做千年調。苦了百年身。睡津咽。却心頭火。淚點休。灑枕上痕。拳頭硬。脫褲村。得饒人處且饒人。」兩蘇絲。衝風躍馬。欲何之。閑遊

正喜風吹袂。況有雨催詩。休圖雲裏栽紅杏。好向山中覓紫芝。磨而不磷。涅而不緇。得隨時處。且隨時。俱稱穩洽。又曰。曲參參。輪殘月照邊。關恨來口。汲黃河水。拳打碎。賀蘭山。鐵衣披雪。渾身濕。寶劍飛霜。撲面寒。驅兵去。破虜還。偷閑處。再偷閑。則亦頗慷慨奮發。不盡因歸田感憤。遂一味頹唐也。千頃目載有中麓樂府。與中麓小令兩種。樂府殆指套數而言。今則舍前述之百闕以外。他處未見。半作。

敬夫和伯華作時。已年七十八。目昏不克自檢。令其孫捧李作朗誦。識而和之。雖多冲淡之志。殊鮮俊逸之詞。碧山樂府中所撰。亦多如此。其故總在茫溫。若嚴於下筆。慎於出手。則何至於是。然而謹嚴兩字。固難以言於康王之派也。弇州謂敬夫秀麗雄爽。一時評者。以爲不在關馬之下。甯非過譽。又因其歸興套中。駐馬聽一起四句。「暗想東華。五夜清霜寒。駐馬。尋思別駕。一天風雪曉排衙。」特爲軒爽。而暗想尋思四字。不稱。乃歎完壁之難。夫題目既屬歸田。則於舊日宦情。作尋思暗想。本是。能有何不稱。若易作其他實字。反嫌質塞。而無呼喚。詞曲固一理。弇州此論。未爲允當也。轉是完壁難見一語。於敬夫之作。殆爲定評。蓋敬夫之秀麗。乃有句而無章。敬夫之雄爽。又每呈外強中乾景况。碧山新稿續稿。遞出甚多。若精整機趣之篇。則寥寥無幾耳。水仙子云。「紫泥封。不要淡文章。白糯米。宜小肚。腸。碧山翁。有甚高名望。也只是樂昇平。不妄想。聽濯纓。一曲滄浪。瞻北闕。心還壯。對南山。興轉狂。地久天長。恬靜如張小山之淡文章。不到紫微郎。一首余頗喜誦之。又云。「一拳打脫鳳凰籠。兩脚蹬開虎豹。單身撞出麒麟洞。望東華。人亂擁。紫羅欄。老盡英雄。參詳破邯鄲。一夢歎。息殺商山四翁。思量起。華嶽三峯。較之前章。則微儂。做作。望東華兩句。即弇州所指爲名語者也。一起三語。即弇州之所謂雄爽處。敬夫




頗優爲之。余意元人之豪放。並非一竿打脫。兩脚蹬開等。一味粗獷之語。所能盡。學者蓋亦不可不省。千頃目所載。有新稿續稿詩餘等。乃嘉靖辛亥。城武宋廷琦所刻也。

余州謂康不如王。殆未必然。對山答客沉醉東風云。國史院唱曾視草。森和正不必提著。文書上。恁樣來。條。熟。集。偌。般。造。書。葫。蘆。難。減。分。毫。但。把。丹。心。自。繫。牢。管。其。麼。零。煎。細。炒。讀。史。寄。生。草。云。天。應。醉。地。豈。迷。青。霄。白。日。風。雷。厲。昌。時。盛。世。奸。諛。蔽。忠。臣。孝。子。難。有。立。朱。雲。未。斬。佞。人。頭。彌。衡。休。使。英。雄。氣。乃。憤。世。之。作。也。田。家。寒。鴻。秋。云。行。藏。數。尺。黃。花。徑。生。涯。幾。樹。甜。仁。杏。動。庸。一。首。滄。浪。風。流。半。曲。天。仙。令。豐。歉。總。由。天。苦。樂。誰。非。蠅。頭。微。利。何。須。得。莊。上。梧。葉。兒。云。蒲。團。小。木。几。牢。睡。字。兒。好。輪。著。春。分。酒。夏。至。桃。與。誰。學。把。山。翁。醉。了。乃。樂。閑。之。作。也。康。王。全。集。無。非。此。兩。種。文。字。若。茲。所。舉。或。精。整。或。機。趣。似。皆。非。王。集。所。能。見。也。千。頃。目。載。浣。東。樂。府。二。卷。係。正。德。八。年。刊。大。字。本。顧。陳。氏。詞。紀。所。選。尙。多。出。此。兩。卷。之。外。者。

陳秋碧小令。曾見上文所引風入松數首。脈望館目有梨雪寄傲一本。不具名。千頃堂目秋碧樂府二卷後。又附梨雲寄傲詞一卷。雲乃雪之誤。出於秋碧自周可信。去冬錄秋碧小令百餘首。其中香奩之作居多。如駐雲飛。杏臉桃腮。展轉思量。下懷新月。疑眉黛。春草傷裙帶。獨坐小書窗。自入春來。欲待看花。反被花禁。害情思。昏昏倦。開。一氣呵就不著波。韻自然。厚。胡十八云。天生下俏臉兒。事的又相稱。道傾。建。國。腰。肢。娘。娜。步。輕。盈。半。晌。家。定。睛。越。教。人。動。情。模。樣。兒。記。得。悔。不。姓。周。姓。名。又云。才說些好話兒。烘的早臉兒。變道不本分。使閑錢。伏。憐。小。索。從。權。跪。在。他。面。前。曲。膝。似。軟。綿。所。事。兒。不。敢。說。一。千。箇。可。憐。見。著。意。之。處。都。迴。不。過。人。自。青。門。山。人。之。流。亞。也。秋。碧。別。號。七。一。居。士。千。頃。目。載。滑。稽。餘。音。二。卷。爲。秋。碧。已。作。抑。爲。選。本。殆。不。可。曉。矣。千。頃。目。所。載。劉。效。祖。短。柱。效。顰。一。卷。不。傳。短。柱。一。體。或。爲。一。句。兩。韻。或。爲。

二字一韻。卽前人所請六字三韻語也。周廷齋以爲應在務頭上使。以別精粗。如衆星中顯一月之孤明。又須全叶平聲。若雜以仄韻。則落下乘。如西廂之忽聽一聲猛驚。本宮始終不同。麗春堂之四方八荒。萬邦散曲。之柳綿滿天。舞旋臂中。緊封守宮。醉烘玉容。微紅等。沈德符顧曲難言。內俱許爲穩貼。則美若一曲通體如此。二字一韻。平仄互叶者。挺齋以爲不分務頭詞意。一有不洽。則句句急口。令所謂畫虎不成。反類犬矣。較耕錄載虞伯生代翰苑時。宴散散學士家。有歌兒順昨秀者。唱折桂令云。博山銅細。裊香風。兩道紗籠。燭影搖紅。翠袖殷勤。來捧玉鍾。半露春葱。唱好是會受用。文章巨公。綺羅香。醉眼朦朧。漏轉銅龍。夜宴將終。十二簾櫳。月上梧桐。一。此詞陽春白雪。屬姚燹牧庵字句小異。伯生愛其新奇。可喜。時席上偶談三國蜀漢事。因命紙筆亦賦一曲。曰。一。覺與一顧茅廬。漢祚難扶。日暮桑榆。深渡南瀟。驅西蜀。力拒東吳。美乎周瑜妙術。悲夫關羽云。殂天數盈虛。造物來除。問汝何如。笑賦歸歎。余謂此詞不獨短柱妙造自然。卽叙次議論。亦復有條不紊。當然無急口令之謂。自後徐文長翠鄉夢劇末一曲。收江南。曾一仿作。屬樊榭。樊榭谷所金陵。亦效此體。一。溯空行小艇。風輕。魚。頃。湖。平。清。興。堪。米。山。迴。雲。生。林。青。雨。映。一。燈。金。陵。景。陽井。苦。崩。舊。京。石。頭。城。煙。冷。新。亭。茶。鼎。禪。燈。竹。徑。江。聲。酒。聖。詩。盟。少。擷。塵。纓。緩。定。歸。程。一。見樊榭集。近瞿先生題真州。對平原讀書圖。同體詞。云。一。堪。塘。一。望。空。涼。夢。向。尊。鄉。無。恙。漁。莊。畫。舫。琴。堂。文。窗。書。幌。俯。仰。義。呈。話。滄。浪。龍。岡。門。巷。臥。滄。江。元。亮。少。桑。絲。帳。笙。簧。金。榜。又。章。怎。樣。思。量。一。响。都忘。一。見所著顧曲塵談。內不獨不用人聲之派。三聲格。嚴於伯生所作。且如先生之篇。虛實兼主。頓挫委婉。又不僅景情所言。釋貼圓美而已也。趙雲松餘叢話。引老子知足不辱。知止不殆。史記甌窶滿漢。汗邪滿車。以爲此體之先聲。謝章铤賭棋山莊詞話。則謂毛詩十嗟乎。騶虞乎。與虞皆叶。已屬二字一韻矣。前人考訂者多。足見此體。向爲藝林所同好。乃念菴（效祖字）效顰。凡平聲每韻各賦一首。見曲律。哀然成帙。而世無一傳惜矣。



## 天津人看影戲的程度

浪漫

看了天津新星公司險姻緣後的感想

影戲事業因爲兩三年來競爭和研究的結果。雖然攝製的成績不能和歐美的出品並駕齊驅。但是無論如何已經向電影藝術的路上走去。終不失爲一種有成功希望的新興事業。

像我們平常歡喜看影戲的人。不論是外國影戲中國影戲。總歡喜去賞鑑一下。尤其渴望中國的影戲有極好的成績。所以天津新星影片公司的「險姻緣」有在上海開演的消息。便引起了我們的注意。

「險姻緣」果然在新中央戲院開映了。我抱了很熱烈的希望去看。結果不禁失望。

我先介紹他們那說明書。已經夠我們的尋思了。

劉錫泰奉着父命來拜訪他的父執杜梅齡。在半路上碰着沈儀和徐奇。這兩人都是不務正業的浪子。一個不留心。錫泰的皮包就被徐奇騙去。徐奇將這皮包交給沈儀。沈儀很高興的打開一看。除了破碎紙頭以外。一點值錢的東西也沒有。沈儀失意極了。索性做個人情。將皮包還給錫泰。但於無意中拾着一封皮包裹掉出來的信。——錫泰父親給杜梅齡的介紹信。——這雖也是一封極尋常的信。然而在狡猾如狐狸的沈儀眼光中。認爲是種絕妙的發財機會。因爲他曉得杜梅齡是一個大財主。

於是沈儀冒充杜家派來的人。將錫泰接到他家裏去。却命雪貞——一個附隸黨籍的女子————攔着錫泰。自己使用錫泰的名義去見杜梅齡。他的目的。無非想騙杜梅齡的金錢。然而他一度梅齡的女兒素茜見面之後。他的目的。完全歸於無何有之鄉。美人的魔力。竟能化及樞機。真是神祕不可思議的啊。

沈儀的同黨胖子和長脚。覺得沈儀的行爲。漸等於灰色。就定計將杜梅齡杜素茜綁了去。結果。却被沈儀救了出來。從此杜梅齡格外信任沈儀和素茜的愛情。也就更進一步了。不料這時監視錫泰的雪貞和錫泰發生了愛情。將錫泰悄悄的放了出來。錫泰忙去看杜梅齡。梅齡那裏肯信。真錫泰默默無言。假錫泰呵呵冷笑。好像活演一齣五花洞。真假金蓮對唱好戲呢。

在這真假難辨的當兒。錫泰的父親。忽然來了。沈儀知道假面具便要揭破。只得溜之大吉。杜素茜自道愛的是沈儀。不是愛的錫泰。也就跟沈儀雙飛雙宿做露水鴛鴦去了。

沈儀和素茜會跑。他們後面自然有人會追。種種熱鬧和緊湊的場子。在下却要賣一個關子。請諸位看影戲便明白了。



這齣戲完全是描寫所謂拆白黨引誘良家女子。圖財詐騙的行爲。尤其是在北方人的眼光中。瞧着這種油腔滑調的行爲。以爲是南方的特產。在已往的歷史上。講南方的所謂新劇家。在北方被人唾棄者。未始不是因爲這種行徑。這是我們所引爲缺憾的。

就劇情中間。舉出幾個缺點來。可以證明天津影戲的幼稚。

(一)沈儀是拆白黨。雪貞也是同黨。因爲要試探沈儀的本領。故意去勾引他。可是在公園中。瞞幾瞞眼。拾一塊手帕。居然便攪着同走。甚至于沈儀被騙。如果當真拆白黨是這樣容易上當。那麼拆白大可爲人所拆咧。

(二)徐奇去騙劉錫泰的皮包。在樹後化粧。一過去的時候。是西裝出來。便是中裝。簡直是變戲法。不是做戲。

(三)劉錫泰被幽禁。只用兩個少女去監守着。豈不易逃。賊黨擄杜梅齡和素荷時。將到賊窟。路旁邊不遠有許多閒人。難道容他們如此妄爲。

(四)雪貞放錫泰逃走。從樓窗放繩下去。可是當鄰室來人的時候。繩子已爲雪貞拿掉。可是後。窗前的特寫。依舊掛着繩子。這是剪接的人沒有研究。

從全劇的結構方面看來。天津人看影戲的程度還幼稚。他們的腦筋中。只有「偵探與盜案」、「吊膀子軋餅頭」的觀念。這種病源。是因爲

A. 天津地方對於上海有名的國產影片不常演。

B. 平時所演的影片。多半是誨盜的外國連台偵探長片。

新星影片公司利用了社會的弱點。而攝這套迎合社會的影片。實在是失着。所以我希望天津人須在電影方面多下研究功夫。不要使以後再有這種無劣的影片出來。同時影戲公司要多搜集對電影有研究的人合作。並且要向各方多多的下考察的功夫。

觀衆看影戲的程度增高了。當然可以使不堪入目的影片自然淘汰。這是我對於天津一般的看影戲者的一個大希望。

中國 路政 界 之一 出版 品

## 道 路 月 刊

■ 稿 投 迎 歡 ■

提倡 道路 建設 介紹 治路 知識  
報告 實施 狀況 促進 交通 進步

每月一元一角五分 全年一元五角

► 研究路政市政者不可不讀 ◀  
► 籌辦長途汽車政者更須參攷 ◀

● 總 行 發 ●

上海霞飛 路中華全 國道路建 設協會 中華書局 商印務書 館均代售

## 蕭 嫺 寫 字

聯四尺六元 每加一尺加二元 堂幅四尺  
六元 每加一尺加二元 屏幅四尺三元 每  
加一尺加一元 榜書每幅二元 扇面冊頁  
題簽均二元 石章每字一元五角 墨費加  
一餘詳潤例 收件處上海霞飛路道路月  
刊編輯部及各棧扇莊

復旦念周紀念會



朱婉仙

陳開道

朱裕民

朱裕生

新劇「春假」之一幕

## 評復旦大學的兩齣獨幕劇

心冷

江灣復旦大學，在本月五六兩日，舉行盛大的念周紀念會。新劇部方面，表演四齣短劇，「春假」「青春的悲哀」「私生子」「一只馬蜂」。「春假」和「青春的悲哀」兩劇，是由戲劇協社的應雲衛君排演指導的。應君一定約我去看，並且還要我批評。看了之後，不得不憑我的觀察，奔述一下。

### 春假

「春假」的情節，是述一個女學生朱婉仙，在教堂當牧師的叔叔朱裕民逼迫着要和一個在教會大學裏讀書的陳開道訂婚。婉仙因為和他的情人復旦大學學生許美材，曾有盟約，使竭力的反對，但是後來被他們逼得無法，使假裝應允，結果仍舊同情人同走了。

在這幕戲裏，我們可以看出兩點極顯明的標示。第一，是攻擊借着宗教信徒的名義，而造成一種非人道的行為者。第二，反對以宗教色彩，養成一般專為外國人奔走的大學畢業生。這兩種意思，我們平日心坎中早就蘊藏着這種思想。如今用生動的藝術表演

出來，當然更得到一般人的同情。

全劇的精彩處，在朱裕民要陳開道替婉仙祈禱上帝，使伊回心轉意，結果，婉仙不但未曾回心轉意，而竟出于一逃，可見得人事的挽回而要仗着冥冥中虛無縹緲的上帝，這是不可能的。其次在陳開道和婉仙辯論復旦和聖喬治大學優劣時，陳開道以教會大學學生批評復旦，說它沒有一個外國教員，所以不值錢，我們憑空聽了這句話，好像是替復旦做廣告，可是實際上確為什麼大學裏總做廣告，幾個來歷不明的外國人做幌子？

就演者的藝術言，飾朱裕民的陸慶霖，能刻畫出一個頑固腦筋的老人，飾朱裕民的曹



衡方頗能揭穿偽宗教家的假面具都很認真。

楊瑞年的陳聞道，也活畫出一個教會大學學生，不過舉動中間，似乎太露做作的痕跡，像向婉仙告別，向婉仙示愛，都嫌生硬，可是難怪他，他本來不是教會大學學生。飾朱婉仙的沈筠，做可做得好，只是聲音失真，要減少不少的美點。

## 青春的悲哀

青春的悲哀為熊佛西所編我在去年曾和譚聲曉上特地趕到南方大學去看過一次。這幕戲是描寫青春的熱情和環境壓迫之下的痛苦。可是另外一方面愛看黑幕戲的人的眼光看來，似乎又好像是在那裏描寫兒平和庶母間發生的戀愛，因為眼光的不同，當然又有另外一種說法。但是我看了之後，總覺得十分難過，而佩服作者竟大胆寫得出。

這戲的情節，流賈正經化了四百塊錢，買了個女子曉琴做妾，自己却一天到晚在外面只是嫖着賭着，他的兒子世傑和曉琴發生了戀愛。賈家的僕人魏祿和他們的婢女景兒也互相愛着。後來世傑和曉琴的祕密，被魏祿和景兒知道了。賈正經忽然發覺魏祿景兒的祕密，要驅逐魏祿，魏祿便借着曉琴的祕

密要挾要借一千元。世傑無奈便簽了一張——不十分重要，還實在甚認真

的見解。演者方面，賈正經神氣活現，曉琴的化裝和聲音似乎欠研究，魏祿能刻畫下等人動作，但是比較的過火些，景兒則動作說話都能傳神，賈世傑的頭髮，似乎顯得他的年紀嫌輕了。

在這幕戲裏所顯示給觀衆的：一、就是用金錢去買來的女子本來是決講不到戀愛的。二、就是在青春期中，要抑制着熱烈的戀愛而不宣洩是不可能的。所以曉琴和世傑的祕密，促成者還——賈正經自己。因為戀愛不得正當的解決，因此纔造成祕密，因為祕密便成了把柄而爲人要挾，以促成世傑冒簽支票的罪案。所以我以為普通人將戀愛看得

就這兩幕戲的大概而論，可以說是復旦新劇部初步的成功，因為他們不曾將這兩幕戲當作點綴遊藝會的一種頑藝，的確下了一番刻實的功夫，去排練，去研究，那麼雖然成績不十分美善時，我們也得表示相當的滿意了。

一五，六，七。

## 落花流水

黎錦暉

好容易水一，般不斷地流，  
春來不久，要歸去也，  
誰也不能留。


白髮蕭蕭已滿頭。  
暮暮朝朝暮暮朝朝，  
總是眉兒皺，  
心兒愛，  
淚兒流。

別恨，離愁，  
付與落花流水共悠悠。

年華不可留，  
誰得千年壽。  
我的老母！  
將花交給我那年邁的媽媽。  
讓她的白髮加上幾片殘花，  
笑一個青春的笑罷！

想起那年高的慈母，

花呀，水呀，勞你們的駕！



## 荏苒餘錄 (續)

丁耘棘

來攻。於是羣賊相謀宜避其鋒。是夕乃向東南移至郁。而東連成一串。步槍隊先導。挾手鎗者殿之。吾等則恰困其中。雖欲逸而不可得也。經戚窪。步水有聲。水盡得一堤。堤畔人家猶見燈火。犬吠狺狺不休。而此間之人皆坦然居之。蓋已習之久矣。無何抵郁圩。月尚未升。宿郁某家前庭東間。同居難友更多。蔣他適。計八人。湯賊率其黨守外庭。吸雅片。燈設長桌上。以代榻。午夜有負囊者入。湯賊倒屣迎之。酬以雅片。甫數口。即傾囊灼灼皆子彈。大小萬餘發。授湯賊曰。『昨夕小闌至官墩。人言已來此。黑夜不識途。復以此物笨重。故遲遲至。十九日齋下洋三百元。昨又挽友往沐陽代辦矣。』湯賊大喜。再酬以雅片。則曰。『吾已疲憊。欲得清靜之所以憩。』湯乃引之去。余時亦因困疲過甚。不久亦作黑酣鄉游矣。

二十四日侵晨。作第六次家書。促來人。且遣及匪窩南遷。此日匪大肆賭。呼么喝六。擲金銀若泥沙。賊有言湯賊一注。達五百八十四元。豪哉。次日。周四告余。『汝兄弟已由王連生關節妥矣。將以二千五百元贖汝兄弟歸。』余大驚。問王何日成言。曰。『昨日。』何不至余兄弟處。』曰。『以湯未許。』余久而歎曰。『雖蕩余家所有。莫能辦也。』日將午。報有警。官田鄉勇調沐陽警備隊將蒞此。余注意遠聽。隱

約聞號聲鳴。忽而顯揚。顧匪似有恐色。促炊。斜日西掛。出東圩門。率大旗者導於先。竟度官田河東南馳。余前後瞻眺。見匪衆僅長槍五六十枝。短槍六七十枝耳。其餘百人俱赤手。順道過孫如貫堡。連卅餘人。奪堡。詎知孫匪來。即舉家他亡。臨行。反闔堡門。梯而出焉。匪至此不敢逼。遠以槍試。迄未聞遠擊一響。乃辟易。恐墮其計也。河畔田腴壤沃。高粱已收。豆菽方莢。凡匪所經。農具徧棄於野。一水之隔。已若別有天地。堤北一帶。則烟籠孤村。安閒靜適。

晚駐周圩。主人亦他適。惟傭人尙留供驅遣。余等寄居東南隅檣樓上。席地而臥。樓下銅者則不如吾等之安適。

二十六日晌午。難友吳以昨日郁四談判不諧。湯賊大發獅吼。縛之於桎。驢椿上。湯以掘土鐵叉洞其耳。噉然痛號。余聞之。心直頓沸。恐將及余。俄果有賊登樓。噪擁余出。余蹙額不欲前。當此可怖之境。忽轉念不如任之。乃大踏步隨往。至則令代吳寫家書。然自思不知何日得脫此罟窟也。我有身體。不爲我有。我有才力。不爲我用。刀俎筆管。惟賊之欲。嗚呼。

午後大雨。憑樓遙矚。村落廬舍。悉爲雨照籠罩。少頃。天霽。羣見東百步外。有六軍服者。綏綏而南。未幾爲賊所見。提鎗射擊。十分鐘。軍裝者忽不見。賊方驚惑。六人已退至東南亂塚中。吹喇叭。槍直向此間發。賊即還射。而東北角又聞衝鋒號。西南則遙見旗旗。賊至是大騷。有狂奔牛喘似不



勝者。突呼宋賊兆曰。「西北據二十長槍手護送汝。速率肉票北歸。」余途中猶心羨此六人者。能身臨虎穴。臨險不驚。誠不愧爲豪傑之士也。臨河有二舟在。稚老婦女先登。余佇立南岸。回望則塵飛瀾漫。羣賊亦蜂擁北來。時余等已在中流。賊多不得舟。則泗水圖逃。嗣溫兆廣告人謂。泗至中流。彼岸彈發如雨。得不死者。間不容髮。時雨後泥濘。載道媚女皆纏足。頗多脫鞵而步。爲蕤藜所刺。血染踝脛。有稍駐足者。賊立棒擊之。

下午四時復抵郁圩。賊出麵饅果腹。時有王某以醃鴨蛋麵餅贖幼女者。賊因得大嚼。食罷。東南槍聲又偪近。南偵賊歸告。「吳集鳳儀墩韓山平墩高許各莊。會集千餘人。已北上追襲。」湯賊乃出警笛狂吹。無何賊威來。聲言西北向大房莊前進。行不數里。日云暮矣。更西行。地盡卑下。水且過膝。時擬擦兄乘間亡。然而水面平眺。三里猶可見物。以故未敢挺險。八九里折而北。堤行。賊有他道者。尚未合。乃連發二槍以招之。即聞南里許亦應發二響。因小憩。少間復進。覺地已漸高。始知爲官墩舊銅所也。夜深風寒。腹隱隱作痛。上體僅小衫一襲。下裳盡濕。臥草上。俄轉劇。兄代索敗絮襖一覆之。如獲至寶。不覺旬然入夢矣。

二十七日晨餐較常特早。以牛車載婦女首途大房。故鄉不能回首。臨阜西。村野朦朧。縹緲不可見。此阜廣長五百畝。居民數十家。散處頂坡。多小地主。當夏秋時。洪水暴發。固有年矣。時匪既去。遙見家家齋其資糧。爭道他適。亦似知有大難之將至。疾趨而避者。怪哉。余祇見乎寇至而逃。從未聞寇退而避者也。豈非古今中外第一奇事乎。

西行六七里。人家寥落。不聞雞犬之聲。丘墓灘頭。水鳥成羣。關關清嘯。映水自諧妙韻。見人至少。飛即止。飛則僅貼水面。我等更進。水漸深。水底沙泥。履之若步花絮。水路既盡。復行陸道。覺足下如乍卸五斗砂。輕捷異常。

蔣母言於衆。「抵大房。宿吾家。當作東道主。以席饌享諸公乎。」羣賊領首。穿林度路。遙見蔣堡。譁呼而入。蔣母曰。「釋我。將下廚爲君輩治餐。」衆止之曰。「君等亦畏我逃乎。我一老婦人。尙何能爲。」時賊曳余等悉錮前院東廂中。時聞捷擊與悲慘之呼聲。不知誰家子。復嘗此酷烈之刑也。

二十分鐘後。蔣母爲賊曳出。股栗不能言。齒丁丁震響。少閒。聞哀號聲陣陣入耳。窗間望見蔣母高卷左袖。下膊創三洞。血如泉湧。余不忍視。然猶不意能遷怒及余兄弟也。

頃之。聞湯賊言。「曳出付我試刀。」余駭極。自念蔣母之慘刑。吾等或將不免。俄而剪毛子王大頭入室。邀余等出。余偕之行。兄與吳繼之。門外鮮血殷地。陽光反映。分外猩紅。不禁悚然。湯賊既執余臂。耀刀力刺。先一切刺左股。余急閃曰。「何爾爾。」余亦亦吝輸金乎。」刀再下。又閃之。湯賊怒叱曰。「不與股。則劈心。」余不復再言。授以左股。掉首他顧。任之而已。股嬰創。初尙不覺痛楚。及返室。則痛不可忍。與周四言。欲得刀瘡藥而敷之。周四唯唯。少選持一瓶主。乃爲衆人敷創。時血雖止。身上污染殆徧。余偃臥甫合目。似覺伯母臨余前。申申屬余曰。「耘棘努力殺賊。」再三言。余淚若珠下。慨然跪而受命。伯母乃含笑去。噩夢驚回。視周四若有言。余詰之曰。「湯總適來促汝兄弟作家報。且告予以辭意。不特已援筆草數語以應之。」文曰。

兒等困巢中。日夜心如刀攪。不幸股際又被重創。刀刺深二一寸。不堪命矣。急盼玉帛。如有有周國祚。當可過去。

此家書爲第六次。余知匪中能文者絕少。苟語意稍涉隱晦。則非所辨。重

余以逃亡不逞。大屬失望。而贖金太多。恐非吾家所可勝任。曾質周四及負心賊。竟須幾何。彼云。『苟能早日了結。即有減輕之可能。』故余乃隱言八百元。而不知說項非人。卒至傾家猶不償也。

卅日午後。賊衆往返甚忙。似將有事於遠邇。適溫賊兆廣來。敏之知將架橫溝西小魏莊魏氏子也。卅一日日上一竿。虜來老弱婦女十二人。有二與余鋼同所。壯曰魏裕堂。少曰魏家新。叔姪也。旋驅出。亦反縛兩手繫樑上。再縛兩足如繫手。此時二魏面俱下向。身掛空際。重力全寄落手足上。手日反折。賊曰。『前渡官田河。至周圩。先趨追襲吾等者。非汝曹耶。得寸進尺。今竟如何。』言未半。鞭棒紛然如雨下。呼聲慘厲。不忍聞。未幾一賊以長橈置魏脊背。二賊據坐其上。以重量驟增。掛繩忽斷。兩人立墮地。門齒折落。鼻破血淋。嗣詢周四知此種刑罰曰。『睡高床。』

九月一日。湯賊以余家久不過。厥大。上午六時。遣九賊逼余歸家。催賊余奇愕。勉從之。徧視諸賊。多識者。乃與約萬勿作暴客狀。皆領之下。墩家鄉在壩。積水如雲。度太平橋。距家祇一里。門前無人。雙關嚴閉。淒涼景。不堪嚙矣。及門。余呼賊。『君等來待余。敏。』然賊多奔堡東。越牆而入。時關已。見伯父爲賊所執。余乞踐約。釋之。於是余與二賊偕伯父入內庭。俄父亦至。面皆蒼白。余觀此狀。不覺大哭。余終以股創示父。父曰。『兒乎。父正籌款贖汝也。汝勉之。』余既感且悲。俄聞槍聲連發。大驚。賊曰。『務祈勿事殺戮。』溫賊兆廣應聲出。而餘賊子乃穿牆入戶。大搜財物。余急隨賊至余家。小弟殊皆匿。早間。倉皇失措。旋爲賊覺。叱之出。指四弟曰。『攜此子至墩供試槍。』弟聲嘶不已。余拊胸大呼告之曰。『勿驚余小弟。欲試槍有我。』余趨步頌扶之去。時賊更洶洶。將所掠物。盡數以贖先行。余與父作最後之晤面。欲至伯母靈前成禮。才一一語。賊

喝曰。『胡復戀戀爲。』不得已。灑淚別。

清廷宮  
女口述

慈

禧

秘

記

馬二先  
生筆記


慈禧爲有清一代尤物遺聞軼事彌覺珍貴本書爲清宮宮女口述由名小說家馬二先生筆記者凡所記載都爲外間所不經見者前年本文按期刊載國聞週報哄動一時茲刊行單行本都十萬餘言內附有慈禧及清宮內部銅板圖都十餘幀爲世所罕有真蹟精裝一冊定價四角實售二角四分凡即日起定閱國聞週報一年以上者奉送一冊不另收費

▲函購郵費加一掛號另加五分郵票九五折

▲上海浙江路清和坊三十號昌明書店發行

▲代售處本埠泰東圖書局民智書局光華書局文明書局校經山房外埠各大書局





## 黑影中的婦人

(下)

馬二先生譯

「他心裏受了打擊。幾乎透不出氣來了。哎。他忘了。此時正在竊聽。却如何能敘說自身方面而把他們的話頭打斷了呢。」

「我親愛的查德。你切不可這般古怪。使人不。」這一句似乎是忍耐不下去了。

「正是啊。我更將明白表示一下。我對於這個問題。我的主意已經變更了。」

「什麼。你的主意已經變更了。」那女子失驚而着惱的聲音。

「正是。我已決定不付代價。倘若你決意想用威嚇手段。則我們必因這秘密關係而同遭壓迫。那麼。我也祇好聽你自取其辱罷了。」

「付代價。照你所說。難道是有誰向你詐嚇嗎。」

「好啊。到底還不是這麼一回事。還有什麼呢。」

「詐嚇爲的是金錢。我並不是爲金錢。你竟敢把這話來譏誚我嗎。」

「我可以說是這樣的。梅黛琳。你這種詐嚇方法。是神害無比的。你祇可以施之於那些好與婦女勾搭的男子。但是偏偏遇見了我。你瞧着罷。恐怕不能如願啊。」

「我是會施之於你。記得兩星期前。我們在亞美處相遇。是怎樣來。怎的你却忽然間改變了呢。」

查又慢慢地說道。「這我却不能一定說我的主議是改變了。我以爲我本來不曾希望你——是啊。本來不曾希望你做出你這種開心而求進步的計畫來。」

「查德。你說這些話真討厭。——太靠不住啊。你放明白想一想。摸摸你的良心。——假如我不覺着你是對我有愛情。你想想我便到此地來嗎。現在你居然變了。大概皆因你的良心是黑的吧。」她的聲音嬌顫而帶有激刺的意思。

「我曾向你說過。我對於你有愛情嗎。」

「却沒有說。然而你的行爲是有愛情。形狀是有愛情。」

「呸。月光下曾幾次接吻啊。」

「那又算是什麼意思呢。你且說說。再說。我也不是說祇那便就是愛情。但是你確是會想我熱烈着對於我。我也覺着——覺着了。所以也熱烈着對於你。我所以自定代價。是對於我自己。因爲男子對於容易得着的。便不要了。那時看了去。你比要付代價的還更加熱烈呢。」

「我本來會盼望着付代價與你。却並不是爲酬謝你的可愛。而祇爲的是那不可愛的。——便是那些犯罪的字據。我總想把牠收了回來。」

「這話我不相信。」

「你不相信。你這般自負。却出我意料之外。還要告訴你呢。——你必定更不相信了。——幾次接吻。祇不過是我偶然遊戲。便打動了你的念頭。——其實。我不但不是你這身體。並且也不是博你的歡心。祇不過想取回那字據。容易一點罷了。」

至此。語聲便停了一會。僵伏在那樓梯暗處。雖然看不十分清楚。却想像着。那女子把一雙眼



先隨着查的。又大聲答道。

「照你這樣看來。你簡直是一個下流人的行為。」

「下流人」他溫和地說道。對於一個熟悉世故人情。被人離棄的青年女子。明知她是可靠。又且她爲了一個男子。雖非眷戀。却懷癡想。然而祇不過於月夜間稍致感情。這便是下流的行為嗎？」

「你怎的能知道女子的眷戀非眷戀呢。並且就照你所說。你爲的是以回那字據。却來引起我的癡想。是不是？」

「我說的是。我祇望和你做一個朋友。這其間稍有不同。起先我照情形看來。祇知道你對於我略表你的好意。我想這是不妨領受的。除此更無別法。但是現在。你到這裏來了兩天。却祇是要我對於我妻作那不忠實的行為。那是我自輕自賤了。我斷不能作的。方纔你把一隻手掩住我的兩隻眼。我覺得對於我妻的愛情。絕對不能祇管這般和你廝混下去了。」

那女子苦笑了一聲。同時我却極力咬住嘴唇。忍住我心頭迸出心的高興失聲。祇聽那女子帶着又氣又笑的聲音說道。

「我手掩了你的眼睛。便引起你想到了你妻

的愛情。這却是一個有趣味的。」

語聲又停了。儂氣也不敢喘。祇等着靜聽下文。時却祇有揮弄衣裙和喃喃自語的微聲。又一會兒。那房中的語音又清晰了。祇聽得

「查德。查德。我並非要這字據的代價。也並非詐嚇你。我要的代價。並非——並非金錢。我是愛你——愛你。我的心祇是在你的身上。我直告訴你。也並不嫌害羞。我是美貌而富有感情的。我能使你快樂。舒服。我愛你。我能使你也愛我。你祇看這一點上。領受我的愛。便了。我更不必說別的。」

一個別家女子。對於自己的丈夫。這樣遷就着。供獻她的愛情。儂聽了。自頂至脚都在發顫。普天下的男子們。到了這般境地。沒有不軟化的。她是美貌的。而儂——是他的妻——在他的眼光中。却遠不及她。恨不能得知當日他們在日光下的時候。是何等的光景啊。莫不是他便拋却儂對他的情義。而竟自軟化了嗎。在這一分時。儂把先時注意想。知道他們說了幾次的什麼字據都忘掉了。儂的心祇是懸搖不定。祇是跳。祇是怕。儂想道。假如查若從此便不說什麼了。則到底怎樣。儂却不能不懸心。幸而隨即聽得他說道是。

「梅黛琳。對不住。實在對不住。這是我自私之心。偏向着家庭所致。我多謝你的——你的熱烈見愛。但却不能接受你——你的美意。假使我不曾有妻。或我是不愛她。那便又不同了。我請你還是止正當當的公公平平把那字據還給我。我們還是做一個朋友吧。」

儂那時便不必再等着聽那女子說什麼。儂是一個婦人。大凡端正的婦人家。對於不正當的女子。在某種情形下應有的行為。比一般極有經驗的男子所知道的更能明瞭。查既已拒絕梅黛琳的愛情了。一個男子對於任何婦人。往往不好的事都可做出來。然而他却從容應付。彷彿行所無事似的。可憐的查德。簡直被那女子作小孩子一般的播弄在手中啊。當下儂又覺得——看見——聽見。那女子頓起脚來。怒着喊道。

「你的老婆。你的老婆將來知道我到你家來時。她應當說什麼。你想想看。你如把我到這裏來的話告訴她。她能相信。你一個字嗎。你再去自己揣測揣測看。」

儂真氣極了。祇管渾身發顫。且看查德。還是跳起來呢。還是依舊坐着。還是大怒對着她呢。還是仍自站在那裏。總不至於便被她的話打動



了吧。不料都不是他。祇含含糊糊地說道。

「我事她絕不會知道。你到這裏來的。」

「哦。她不會知道。哼。她一定——一定能知道。我要告訴她。我為什麼來的。是你使我來的。你和我是一雙情人。我還要告訴她許多許多的話呢。」

這一次查德必定要勃然大怒了。却又不能安然答道。「我絕料不到你能施展出這許多的本領來。但便照你所說所作。也沒有什麼要緊。我妻絕端的相信我。我隨便說什麼。她都信得過。你便能造出謠言來也。決沒有什麼事。」

那女子未及回言。儂猛然心中決計。迅疾像豹子穿林一般。絕無聲響。便滑上了樓梯。又從後面的樓梯下去。到了廚房裏。拾了那隻提箱。開了廚房後門。便又走到黑影中去了。繞着那住屋到了前面。又用鑰匙開了大門。進至那客室的入門處。儂便立住了脚。祇見查德背向着壁爐立在那裏。兩隻手剪背在身後。面向着梅黛琳冷冷地。那女子祇立在他的側首。頭向後回着。那姿勢是很倨驕而絕美。較之方纔那時更加好看了。儂站了一霎時。查忽瞥見了。不由得他失聲了。是一種驚喜的。得救的聲音。絕不是失驚的害怕的。這真要謝謝老大啊。他三步併

作兩步的走了過來。把儂拉在懷中。儂也緊緊地抱住。却又立刻定定神。向那女子身上打量着。暗忖。她此時大概總可拋棄她半句鐘前儂在此屋時所看見的那種行爲了吧。儂很巴望她不肯拋棄。假如她真個說出什麼來時。儂已早有主意打定。不管查德已覺着儂是早經回來沒有。她須夢也不曾夢見儂適纔會蜷伏在樓梯上呢。當下儂便柔聲向查問道。

「親愛的。給儂介紹一下。」

他慢吞吞地說道。

「珍妮。這是梅黛琳。蘭西。是一位老朋友。不承認她夜間到這裏來了。梅黛琳。這是我妻。」

祇這一來。可了不得了。儂直記不清楚她那些話了。但祇聽見許多不尷不尬。又是傷心。又是遺囑的話。從她那張小嘴中滔滔而出。儂祇靜着氣聽着。三番五次。查德待要掙出手臂。似乎想去堵住她的嘴。或是把她推出這間屋。儂却在他的臂間用相挽的一隻手都扯住了。不一時。她的話頭也停了。祇站在那裏。把一雙毒毒的眼光射注着儂。儂却把眼光直注在查的一雙很誠實的灰色眸子中間。問道。「親愛的查德。你也把這件事。你這一面的告訴與儂。」

儂那時並不會說祇信他的一面之詞。但微微

對他一笑。露給他這意思罷了。他也報儂微笑。却越顯出他的豐神。他首先便說兩星期前在一個朋友家裏。遇見梅黛琳的大概情形。並且得知有一種他以前認為早經銷毀的犯罪字據。却現落在她的手中。他却不曾說明那字據為什麼犯罪的。儂彼時也不願打他的岔。所以也沒有詰問他。於是他又說到對於梅黛琳表示愛情的用意。却正與儂伏在樓梯上所聽得的相同。他索性痛痛快快的。把她那一方面的情形也都說出來了。——她是在他們相遇時。是怎樣說。怎樣做。以及方纔在這間屋裏。又是怎樣。說到那不以爲然時。把肩膀聳了幾大。却承認是約她來此。轉爲向她追究那字據。教她交還給他。當然他是絕不知道儂曾於掩住他的雙目時。已就聽見他低喚「梅黛琳」。所以儂不捉弄她。那一節說出來了。說完了。儂便問道。

「查德。你可以把那字據的事告訴儂嗎。」

他略猶疑了一下。說道。

「此時却不便說。等回來祇贖你一個時。我再對你說。」

梅黛琳又從鼻管裏嗤的笑了一聲。說道。「等我走了之後。却方肯說實話啊。」



儂忍不住傲然瞪了她一眼。又傲然對她說道：

「儂相信。儂極相信儂丈夫所說的話。而

不能信你的話。恐怕在地球上隨便那一

個。便是發誓。也不能反對查德的話。」

梅黛琳的臉登時飛紅。祇把她的小嘴一撇。做出一種輕蔑的形像。而查則臉上顯出極高興的神氣來。他又似乎忽然下了決心似的。對着儂說道。

「現在我可以再說幾句。請你問問這位

太太。對於上帝。我說的是不是實話。那些

字據上的犯罪者。是我的兄弟名喚克特

伯。你從來不曾見過他的面。他現今在印

度居住。他所做的這些荒唐事。是他年輕

不更事的時候幹的。我一直到遇見了這

位太太。方纔知道那些字據還存在咧。我

希望保護我的兄弟。總得想個方法。但雖

然是爲護着他。我也不能任什麼事情都

肯做出來啊。」

他說着。又向前把眼光注定了梅黛琳。問道。

「這些話實在不實在。請你說一句。那字

據上犯罪的人。還是我呢。——這是我妻

所疑心的。——還是我的兄弟呢。」

那女子也不知道是有些害怕了呢。也不知道

是一時她的良心發現了。當下把臉對着他的眼光。答道。

「是你的兄弟。」

查德聽了。把兩手一搓。立刻又轉身對着儂。

不等他說出話來。便驕言道。

「查德——親愛的。你不必再問她這些

話了。儂從來相信你。永遠一直相信的。請

你不必再多說什麼了。便是你的親兄弟。

儂也決不要探尋別人的秘密。」

他聽了。隨向着梅黛琳呵呵的笑着。說道。

「我妻真是婦女中少有的。——婦人家

在一種有證據可以毀謗她的丈夫情形

之下。而能相信到底。這不是少有嗎。」

以下略說一說。便是查德叫了一部街車來。把

梅黛琳送到一所旅館中去過夜。她頗走時。便

把那些字據還給查德。說是她很抱歉。所作爲

的簡直像一個癡子。她說這話。還自以爲儂決

不能懂得她所謂癡子的是什麼一種的癡子

呢。總而言之。她如果是癡子。也必然懊悔不應

那樣下流。遷就看出賣啊。至於查的兄弟。和他

所犯的過失等事。這是兄弟自身的事。不在儂

這件事範圍之中。可從略。儂却還有一點可以

說說。作爲這一段故事的結尾。儂當時覺得那

樣一個標緻東西。急於自獻。而我丈夫却把儂對於他的信心。當作有生來的寶物般看待。看來儂是萬不可使他知道儂那一晚曾於無意間稍稍進去竊聽的情事。那麼儂便無論怎樣說法。表白對於他如何絕端的相信。他必不能胸中絕不留一點介蒂了。不如不說。他便絕猜疑不到儂對於他相信是由於曾聽得他們二人的談話來。儂以爲他便就表面上儂對於他的相任心而發生一種愛情。也是極好的事。儂以前固不瞞哄會過他。以後也絕不會有瞞哄他的事。但就這件事情而論。儂却得了一極好的秘訣。假使在那一夜。儂一去不返。又氣又急。必然認定儂丈夫是與儂斷絕情義了。那便絕沒有得到這個秘訣的機會了。這個秘訣便是。無論何時何事。總要給對方的脚色一個不可測度。